

SAMOA

Faatulagaina o Aiaiga

**VAEGA I
FAATOMUAGA**

1. Igoa puupuu ma le amataga
2. Faamatalaina o uiga o upu
3. O le Tulafono e noatia ai le Malo
4. Sini

**VAEGA II
PULEGA****Vaevaega 1 - Pulega
e Faafuaina Taaloga
Eseese Tau Tupe**

5. Faavaeina o le Pulega
6. Faatonuga i le Minisita ma le Pulega
7. Galuega tauave a le Pulega
8. Malosiaga o le Pulega
9. Tulaga o Sui Auai o le Pulega
10. Vaitaimi i le tofi o sui auai
11. Totogi o sui auai
12. Tuua o le tofi
13. E lē aafia malosiaga po o galuega tauave ona o avanoa
14. Faailoaina o aia
15. Taloina o fonotaga
16. Fonotaga a le Pulega
17. Komiti o le Pulega

18. Tuuina atu o malosiaga
19. Lipoti faaletausaga

**Vaevaega 2 - Ofisa Sili o Pulega
ma Isi Tagata Faigaluega**

20. Ofisa Sili o Pulega
21. Sui Ofisa Sili o Pulega
22. Tagata faigaluega a le Pulega

**VAEGA III
O KASINO****Vaevaega 1 - Faatomuaga**

23. Aofaiga o laisene kasino
24. Manaoga mo se kasino
25. E mafai e le Pulega ona valaauina ni tauofoga
26. E mafai e le Pulega ona faia feutagaiga ma sainia ni feagaiga

**Vaevaega 2 - Laiseneina
o Kasino**

27. Tuuina atu o laisene e le Pulega
28. Tulaga e talafeagai faaletulafono o gaoioiga o kasino

29. Talosaga mo se laisene kasino
30. Tulaga talafeagai o kamupani kasino ua laiseneina
31. Pepa faatumu o laisene kasino
32. Vaitaimi o laisene kasino
33. Taofia o laisene kasino
34. Mafuaaga o le taofia lē tumau po o le faalēaogāina o laisene kasino
35. Taulumaga mo le taofia lē tumau po o le faalēaogāina o laisene kasino
36. Totogifuapauina o laisene kasino
37. Komisi
38. Tupe totogi o totogifuapauina ma komisi pe afai e taofia lē tumau le laisene kasino
39. Lisi o tagata e lē faatagaina i le kasino
40. Faaogāina o le Tulafono o le Ava Malosi

Vaeveaga 3 - Tulaga Lautele

41. Malosiaga o tagata ofisa
42. Suesuega
43. Tuuaia o le tagata
44. Tulaga faalilolilo

Vaeveaga 4 - Faagaoioiga o Kasino

45. Tausiga o nofoaga ma fale
46. Faamaoniga o le faatulagaga
47. Faamaoniga o meataalo ma tupe meataalo

Vaeveaga 5 - Faasaina o Tagata mai Kasino

48. Ulufale ma le taofia mai kasino
49. Mafuaaga
50. Faamalosi
51. Noataga o kamupani kasino ua laiseneina
52. Faatonuga a le Komesina o Leoleo
53. Faalēaogāina o le faatonuga

Vaeveaga 6 - Taaloga ma Gaoioiga e Fesootai i ai

54. Taaloga ua faatagaina
55. Meataalo ma tupe meataalo
56. Faafuoga o taaloga
57. O nisi tagata e faasaina ona taaalo
58. Faiga faaimamago
59. Faiga faagaoi
60. Faatapulaaina o aitalafu
61. Siaki tupe
62. Teugatupe o tupe teu
63. Toe faaolaina mai o siaki tupe
64. Taulumaga ma isi tulaga faapena e faasino i taaloga

Vaeveaga 7 - Suesuega, Ulufale ma le Faoa Faamalosi

65. Faamatalaina o uiga o upu
66. Malosiaga o tagata ofisa i totonu o kasino
67. Faoa faamalosi o mea e le o taua maoti mai i totonu o le tusi poloaiga

- 68. Maliega e faatatau i suesuega
- 69. Tusi poloaiga o suesuega
- 70. Ulufale o leoleo
- 71. Malosiaga faapitoa o tagata ofisa ma leoleo
- 72. Tapulaa e aafia ai suesuega o tagata
- 73. Lafoaia o meataalo ma isi mea faapena ina ua maea ona faoa faamalosi
- 74. Taofia o se tagata ua masalomia

Vaeveaga 8 - Soligatulafono

- 75. Faalavelaveina o le tagata ofisa
- 76. Tausisia o manaoga o le tagata ofisa
- 77. Faamatalaga sese
- 78. Avea ma sui taufaasese
- 79. O le lē mafai ona tuuina atu o faamatalaga
- 80. Aia feteenai

- 81. Faaoloataua
- 82. Amioga a faatonu, tagata ofisa, tagata faigaluega ma sui sooupu

Vaeveaga 9 - Tulaga tau Tupe

- 83. Teugatupe i faletupe
- 84. Avanoa i faamaumauga o teugatupe i faletupe
- 85. Faamatalaga tau tupe ma faamaumauga
- 86. Faamatalaga o faamaumauga tau tupe
- 87. Sueina faasuetusi
- 88. Taofiga o faamaumauga

Vaeveaga 10 - Aiaiga Eseese

- 89. Tulafono Faatonutonu
- 90. Teuteuga Faatupulaia
- 91. Teuteuga i le Tulafono o Lafoga o Oloa ma Galuega Faatino e faia i Luga o Aofaiga o Tau 1992/1993

2010, Nu. 21

O SE TULAFONO e faavae ai le Pulega e Faafocina Taaloga Eseese Tau Tupe ma, mo le uunaia o tagata tafafao maimoa mai fafo ina ia aiaia ai mo le laiseneina o kasino ma le faafuoga o a latou gaoioiga, ma, mo isi ituaiga o taaloga eseese tau tupe, ma, mo faamoemoega e fesootai i ai. *[19 Oketopa 2010]*

UA FAIA e le Fono Aoao Faitulafono a Samoa i totonu o le Palemene ua potopoto e faapea:

**VAEGA I
FAATOMUAGA**

1. Igoa puupuu ma le amataga-(1) E mafai ona taua leni Tulafono o le Tulafono o le Faafuoga o Kasino ma Taaloga Eseese Tau Tupe 2010.

(2) O lenei Tulafono e amata faamamaluina i se aso po o ni aso ua filifilia e le Minisita.

2. Faamatalaina o uiga o upu-(1) I totonu o lenei Tulafono, ae vagana ai ua manaomia e le mataupu se isi uiga e ese ai:

“tagata faatagaina” o lona uiga:

(a) o le Ofisa Sili o Pulega;

(b) o se tagata ofisa;

(c) o se tagata suesue; ma

(d) so o se isi tagata o ia lea e faatinoina se galuega tauave e faasino i lenei Tulafono, e avea ma sui o le Malo po o le Pulega.

“leoleo faatagaina”, e tusa ai o se faatonuga ua tuuina atu i lalo o le fuaiupu 52 po o le 53, o lona uiga:

(a) o le Komesina o Leoleo; ma

(b) afai o se faatonuga ua tuuina atu e se leoleo ua faatagaina e le Komesina mo le faamoemoe - o lena leoleo.

“Pulega” o lona uiga o le Pulega e Faafoeina Taaloga Eseese Tau Tupe ua faavaeina i le fuaiupu 5;

“kasino” o lona uiga o nofoaga o kasino i faletalimalo tetele ua faailoa mai i totonu o le laisene e avea o nofoaga o le kasino;

“taaloga tau kasino” o lona uiga o le taalo i so o se taaloga o matematega i totonu o se kasino pe taalo ai e ala i so o se masini taalo po o se isi faiga e ese ai;

“tupe meataalo” o lona uiga o so o se tupe faafoliga ua faaaogā po o e mafai ona faaaogā i se kasino i le faafoeina o se taaloga e sui ai tupe ma ua faamaonia mo le faamoemoe e le Pulega;

“meataalo” o lona uiga o so o se masini faa-eletise, faa-eletoroni po o se masini e ola i se afi po o so o se isi mea (e ese mai i tupe meataalo) ua faaaogāina, po o e talafeagai mo le faaaogāina, e tusa ai ma taaloga;

“Malo” o lona uiga o le Malo o le Atunuu Tutoatasi o Samoa;

“lala sooupu o le Malo” o lona uiga o se matagaluega po o se matagaluega faa-Minisita o Galuega a le Malo po o se ofisa, faalapotopotoga po o se vaega galulue o le Malo;
“faletalimalo” o lo o i ai lea uiga tutusa i le “Faletalimalo” i le fuaiupu 7A o le Tulafono o Lafoga o Tupe Maua 1974;

“tagata suesue” o lona uiga o se tagata ua faatagaina i lalo o le fuaiupu 42 e faia se suesuega;

“polokalame faatosina” o lona uiga o se polokalame faatosina ua faia i le va o se tagata e faalauiloaina ma le kamupani kasino ua laiseneina:

(a) o lona faamoemoe muamua o le faatosina lea o se tagata po o ni tagata e asiasi atu i le kasino mo le faamoemoe o le auai i taaloga; ma

(b) tuuina ai i lalo se aofaiga lea e sili atu i lo le aofaiga faatonuina, i se faiga tuusao pe leai, mo le tagata po o se tasi po o so o se isi o ia tagata, e le kamupani kasino ua laiseneina e tusa ai ma le tuuina atu o felauaiga, taumafa, mea inu, apitaga po o faafiafiaga e tusa ai ma le asiasi atu i ai po o mo so o se isi faamoemoe e fesootai ma le asiasi atu i ai.

“Minisita” o lona uiga o le Minisita e nafa ma le faafoeina o lenei Tulafono;

“tagata ofisa” o lona uiga o se tagata ofisa e tofia i lalo o le fuaiupu 22 ma e aofia ai le Ofisa Sili o Pulega.

(2) O le uiga o se aafiaga taua i se kasino:

(a) e i ai se aafiaga taua a se tagata i se kasino pe afai o lea tagata -

(i) o se faatonu po o o le a avea o se faatonu o lē e umiaina po o se tagata talosaga mo se laisene kasino; po o

(ii) ua faafaigaluega po o le a faafaigaluegaina po o le faafaigaluega e lē e umia, po o se tagata talosaga mo se laisene kasino e avea o se ofisa sili o pulega po o se pule sinia o se kasino; po o

- (iii) e ona sea po o le a avea ma ana sea, i se faiga tuusao pe leai, i le umia o, po o le tagata talosaga mo se laisene kasino lea e faaeina atu ai le faafoeina o le 20% po o le silia o aia tatau e palota ai tagata e umia sea o so o se vasega i lē e umia po o le tagata talosaga;
- (b) o se aafiaga taua i se kasino e aofia ai so o se aafiaga lea ua manatu le Pulega o se aia taua i le faafoga, le umiaina, po o le faafoga o se kasino, tusa lava pe na faapefea ona maua po o le itu e tatau ona maua ai;
- (c) e lē faatapulaaina i le parakalafa (a) se itu ua manatu le Pulega o se aafiaga taua i lalo o le parakalafa (b).

3. O le Tulafono e noatia ai le Malo - O le Tulafono e noatia ai le Malo.

4. Sini - O sini o lenei Tulafono o le:

- (a) uunaia o le tulaga moni ma le faamaoni i taaloga eseese tau tupe; ma
- (b) ia tausia le tulaga moni ma le faamaoni o tagata o lo o aafia ai i taaloga eseese tau tupe i totonu o Samoa; ma
- (c) ia uunaia le amiotonu, faamaoni ma le lelei atoatoa i gaioiga a tagata o lo o taaalo i taaloga eseese tau tupe i Samoa; ma
- (d) ia faaitiitia so o se aafiaga lē lelei o taaloga eseese tau tupe i le va o tagata; ma
- (e) ia uunaia se sao talafeagai o alamanuia mai taaloga eseese tau tupe i faamanuiaga ma itu e aogā mo tagata tafafao maimoa mai ma tagata lautele.

VAEGA II PULEGA

Vaevaega 1 - Pulega e Faafoeina Taaloga Eseese Tau Tupe

5. Faavaeina o le Pulega-(1) Ua faavaeina nei le Pulega e Faafoeina Taaloga Eseese Tau Tupe.

(2) O le Pulega:

- (a) o se faalapopotoga ua tuufaatasia faaletulafono; ma
- (b) e tatau ona i ai se faamaufaailoga masani; ma
- (c) e mafai ona mauaina, umia ma aveeseina meatotino moni ma meatotino tau le tagata lava ia; ma
- (d) e mafai ona ia molia ma e molia foi i lona igoa ua tuufaatasia ai faaletulafono.

(3) E tatau i faamasinoga uma, faamasino ma tagata o lo o galulue i le faamasinoga ona faia se faasilasilaga talafeagai faale-faamasinoga o le faamaufaailoga masani o le Pulega e faapipii i se pepa aloaia ma e tatau ona faatatauina e faapea sa faapipiina i se faiga talafeagai.

6. Faatonuga i le Minisita ma le Pulega-(1) I le noatia ma le fai fuafua i leni fuaiupu, e mafai e le Kapeneta ona tuuina atu faatonuga tusitusia i le Minisita ma le Pulega i faiga faavae e fesootai i so o se gaoioiga o taaloga eseese tau tupe ma e tatau i le Minisita ma le Pulega ona aloaia ia faatonuga.

(2) E mafai e le Minisita, ina ua maea feutagaiga ma le Pulega, ona tuuina atu faatonuga ma saunia ni taiala i le Pulega pe faapefea ona faatino e le Pulega so o se galuega tauave i lalo o leni Tulafono, peitai na o le tulaga pe afai ua manatu le Minisita e faapea o le faatonuga po o le taiala:

- (a) ua talafeagai pe manaomia e puipuia ai le faamaoni po o e manino ai le itu faamaoni o se gaoioiga o taaloga eseese tau tupe; po o
- (b) e manuia ai tagata lautele i se isi auala e ese ai.

(3) O faatonuga ma taiala e tuuina atu i lalo o leni fuaiupu e lē fesootai i:

- (a) le fuafuaga o se tusi talosaga mo so o se laisene, pemitā po o isi faatagaga i lalo o leni Tulafono; po o
- (b) so o se galuega tauave a le Pulega e faasino i faiga e faafoe ai amioga lē pulea e faasaga i kamupani ua laiseneina ma i latou e umia pemitā po o se faiga e faafoe ai amioga lē pulea e faasaga i tagata ofisa po o tagata faigaluega.

(4) O le Pulega i le faatinoga o ana galuega tauave, e noatia i faatonuga ma taiala ua tuuina atu po o ua faaoo atu i lalo o lenei fuaiupu.

(5) E tatau i faatonuga ma taiala i lalo o lenei fuaiupu ona faia i se faiga tusitusia.

(6) Afai e tuuina atu e le Minisita se faatonuga po o e faaoo atu se taiala i lalo o lenei fuaiupu, e tatau i le Minisita i se taimi vave e mafai ai ona faatino, ona faia se ata o se pepa faamaonia o lo o i ai le faatonuga po o le taiala ina ia lomua faasalalau i le Savali.

(7) E lē faaogāina faafuuiupu (2) ma le (3) i faatonuga e tusa ai o manaoga mo kasino, masini taalo i kasino ma faatonuga e tuuina atu e le Minisita i le Pulega, ina ia valaauina tauofoga e pei ona aiaia ai i le fuaiupu 25.

7. Galuega tauave a le Pulega-(1) E i ai i le Pulega ni galuega tauave lautele e faapea:

(a) o galuega tauave e pei ona talafeagai po o e tatau ina ia mafai ai ona ausia ana sini; ma

(b) isi galuega tauave e pei ona tuuina atu po o ua faaee i ona luga e po o i lalo o lenei Tulafono po o so o se isi tulafono.

(2) E aunoa ma le faatapulaaaina o ana galuega tauave lautele, e i ai i le Pulega ni galuega tauave maoti e faapea:

(a) e faasino i se kasino -

(i) ia valaauina tauofoga mo le faavaeina ma le faagaoioia o kasino ma talosaga mo laisene o kasino ma iloilo ma fuafua ia talosaga;

(ii) ia tausia i lalo o se iloiloga faifaiepa mataupu uma e fesootai ma kasino ma le gaoioiga a i latou e faafoeina kasino, ma tagata o lo o fesootai faatasi ma i latou e faafoeina kasino, ma tagata o lo o i le tulaga e faatinoina le faatonutonuina tuusao pe leai o tagata e faafoeina kasino po o tagata e fesootai faatasi ma i latou e faafoeina kasino;

- (iii) ia faamaonia taaloga e ao ona taalo ai i se kasino ma tulafono faafoe ia o lo o faafoe ai ia taaloga;
 - (iv) ia faamaonia meataalo e faaaogā i se kasino;
 - (v) ia vaavaaia ma asiasia i se faiga tuusao gaoioiga o se kasino ma le faatinoga o taaloga i se kasino;
 - (vi) ia faamaonia taimi e faagaoioia ai taaloga a se kasino;
- (b) e tusa ai o masini taalo e faaaogāina i kasino, ia iloilo talosaga mo, ma afai e talafeagai ai ia tuuina atu pemita ma laisene i lalo o lenei Tulafono ma faatonutonuina i se isi faiga e ese ai gaoioiga a masini taalo e pei ona faamaoti mai i lenei Tulafono ma so o se isi tulafono;
 - (c) ia iloilo ina ma fuafuaina talosaga mo isi laisene, pemita ma isi faatagaga i lalo o lenei Tulafono;
 - (d) ia faia isi lava mea ua ia manatu ua talafeagai po o e manaomia mo le faatonutonuina ma le faafoeina lelei o taaloga eseese tau tupe mo le manuia o tagata lautele;
 - (e) ia suesueina ma faia fautuaga i le Minisita i mataupu e faatatau i le puleaina po o le faagaoioiga o lenei Tulafono;
 - (f) ia faia saililiga ma suesuega i mataupu e faasino i le faatonutonuina o taaloga eseese tau tupe, e aofia ai le malupuipua o le tulaga faatuatua ma tulaga tau tupe o faalapotopotoga ma tagata o lo o aafia ai i le pisinisi o taaloga eseese tau tupe;
 - (g) ia faia fesootaiga ma isi lala sooupu e faatonutonuina gaoioiga o taaloga eseese tau tupe i mataupu e faasino i le pulea, faagaoioiga po o le faafoga o taaloga eseese tau tupe;
 - (h) ia mataitu le faatinoga o taiala mo le faafoga o taaloga eseese tau tupe;
 - (i) ia iloilo ma fuafuaina faitioga e faasino i le puleaina o le faafoga o taaloga eseese tau tupe;

- (j) ia faia suesuega i faafitauli e fesootai faatasi ma gaoioiga tau taaloga eseese tau tupe e aofia ai le aafiaga o taaloga eseese tau tupe i le va fesootai o tagata ma le tamaoaiga o tagata taitoatasi, aiga ma le vaega tele o nuu ma afioaga; ma
- (k) ia uunaia le silafia ma tulaga tau aoaoga i nuu ma afioaga e tusa ai o faafitauli o taaloga eseese tau tupe ma le tuuina atu o fautuaga, auaunaga ma le toe faaleleia ma lagolagosua ai tagata ua aafia i faafitauli o taaloga eseese tau tupe ma o latou aiga; ma
- (l) ia fautuaina le Minisita i mataupu e faasino i le faafoeina o taaloga eseese tau tupe.

8. Malosiaga o le Pulega-(1) E i ai i le Pulega le malosiaga ina ia faia ai mea uma e tusa ai ma le tulafono e talafeagai pe tatau ona faia mo po o e fesootai ma, po o e faaono aliae mai i le faatinoga o ana galuega tauave i lalo o lenei Tulafono po o se isi Tulafono.

(2) E aunoa ma le faatapulaaina o ona malosiaga, e i ai i le Pulega malosiaga maoti ua taua mulimuli mai e faasino i ituaiga uma o taaloga eseese tau tupe ua faatagaina i lalo o lenei Tulafono:

- (a) ia mautinoa e faapea o le pulea ma le faafoega o ituaiga uma o taaloga eseese tau tupe e tumau pea ona saoloto mai aafiaga faasolitulafono po o le soona faaaogāina sese i faiga faasolitulafono;
- (b) ia mautinoa o ituaiga uma o taaloga eseese tau tupe ua faia ma le faamaoni; ma
- (c) o lo o pulea ma faafoeina ai le tulaga mafai o ituaiga uma taaloga eseese tau tupe e faaono afaina ai le manuia o tagata lautele ma tagata taitoatasi ma aiga.

9. Tulaga o Sui Auai o le Pulega - E tatau ona tofia sui auai o le Pulega e Le Ao o le Malo, i le faia i luga o le fautuaga a le Kapeneta ma e tatau ona aofia ai:

- (a) le Taitaifono lea e tatau ona i ai le agavaa faatausi tusi ma le potu masani i le tausiga o tusi; ma

- (b) le Loia Sili;
- (c) le Ofisa Sili o Pulega o le Matagaluega o Tupe;
- (d) toatasi (1) le sui auai o ia e tatau ona i ai se tomai masani faa-loia i lalo o le Tulafono o Loia 1976;
- (e) toatasi (1) le sui auai e filifilia e le Fono Aoa o Ekalesia Soofaatasi i Samoa; ma
- (f) toatasi (1) le sui auai e filifilia e le Sosaiete a le Afaipisinisi & Alamanuia (Tuufaatasia Faaletulafono) i Samoa; ma
- (g) toatasi (1) le sui auai mo aia tau tamaitai ma tamaiti; ma
- (h) toatasi (1) le sui auai mo aia tau taaloga.

10. Vaitaimi i le tofi o sui auai - E tatau i sui auai taitoatasi uma, e ese mai i lo se sui auai e tofia e ala i le tofi, ua tofia i lalo o le fuaiupu 9 ona umia le tofi mo le vaitaimi ua taua i totonu o le pepa faamaonia o le tofiga po o seia vagana ua suia e tusa ai ma lenei Tulafono.

11. Totogi o sui auai - E tatau ona totogiina sui auai taitasi uma i totogi ma alauni e pei ona mafai ona faatulaga mai e le Kapeneta.

12. Tuua o le tofi-(1) E mafai e se sui auai ona faamavae ma lona tofi i se faiga tusitusia ma ia faatuatusi atu i le Minisita, ia aloaia ai le faamavaega, pe afai e leai se aso ua faamaoti mai i le tusi faamavae, i luga o le taliaina e le Minisita.

(2) Afai o se sui auai o le Pulega:

- (a) ua lē mafai i se tulaga tumau ai ona faatino ona tiute tauave;
- (b) ua faamavae mai lona tofi e tusa ai o le faafuuiupu (1);
- (c) ua toesea o ia mai fonotaga sosoo e tolu (3) a le Pulega ae vagana ai o se maliega tusitusia a le Minisita;
- (d) ua lē mafai ona tausisia so o se aiaiga o lenei Tulafono;

- (e) ua gaumativa, po o ua talosaga ina ia avea le faamanuiaga o so o se tulafono mo le faamanuiaga o le gaumativa po o se tagata ua lē mafai ona totogi aitalafu, ua tuu faatasi ma i latou o lo o nofo aitalafu ai po o le faaliliuina atu o lona totogi mo faamanuiaga mo i latou; po o
- (f) ua faamaonia se moliaga i se solitulafono e mafai ona faasalaina i lalo o se tulafono e ala i le nofosala i le falepuipui mo se vaitaimi e tasi (1) le tausaga po o le sili atu, ma, i le taunuuga o lea moliaga, ua nofosala ai i le falepuipui,

e tatau i Le Ao o le Malo, i luga o le fautuaga a le Kapeneta, ona faamuta lona tofiga.

(3) E mafai e le Minisita, i so o se taimi, e ala i se faasilasilaga tusitusia, ona fautuaina se sui auai lea ua faamoemoe le Minisita e fautuaina le faamutaina o le tofiga o lea sui auai i luga o mafuaaga o le lē atoatoa ona faia o ona tiute tauave, po o ua lē mafai ona faatinoina ona tiute po o ua lē lelei lana amio.

(4) I totonu o le 14 aso talu ona maua se faasilasilaga i lalo o le faafuaiupu (3), e mafai e le sui auai ona tali atu i se faiga tusitusia i le Minisita, o ia lea e tatau ona iloilo ina le tali, ma, afai e talafeagai ai, ia faia se fautuaga mo le faamutaina o le tofiga o le sui auai.

(5) E tatau i Le Ao o le Malo, e ala i se pepa faamaonia, ona faamuta se tofiga o se sui auai i luga o le fautuaga a le Kapeneta sa tuuina atu ina ua maea ona iloilo ina se fautuaga mai le Minisita ina ia faamuta se tofiga o se sui auai.

(6) Afai o le sui auai o lo o taua i le faafuaiupu (3) ua lē tali atu e tusa ai o le faafuaiupu (4), e mafai e le Minisita ona fautuaga i le Kapeneta e faamuta le tofiga o lea sui auai.

13. E lē aafia malosiaga po o galuega tauave ona o avanoa - O le faatinoga o se malosiaga po o le faatinoga o se galuega tauave a le Pulega e lē faalēaogāina ona o le mafuaaga ua na o se avanoa i le tulaga o sui auai o le Pulega.

14. Faailoaina o aia-(1) O se sui auai ua i ai sana aia tuusao pe leai i se mataupu ua iloiloaina po o le a iloiloaina e le Pulega, e ese mai na i lo se sui auai o lo o i ai se vaega itiiti ifo o le pulea po o le umia o sea aupito i tele o se kamupani ua tuufaatasia faaletulafono, e tatau, i se taimi vave e mafai ai ina ua maea ai lona iloa o ni faamatalaga moni talafeagai, ona faailoa atu le uiga moni o le aia i se fonotaga a le Pulega.

(2) O se faailoaina atu o aia i lalo o le faafuaiupu (1), e tatau ona faamaumauina i ootootoga o mataupu o le fonotaga a le Pulega ma, seia vagana ai ua fuafuaina e le Pulega se isi faiga e ese ai, o le sui auai:

- (a) e lē tatau ona auai a o faagasolo so o se iloiloga a le Pulega e tusa ai o lena mataupu;
- (b) e lē tatau ona i ai i so o se faaiuga a le Pulega e tusa ai o lena mataupu; ma
- (c) e lē tatau ona amanaiaina mo le faamoemoe o le aofia ai i se aofaiga o sui e mafai ai ona faia se fonotaga a le Pulega mo se iloiloga po o se faaiuga.

(3) E tatau i le Pulega ona faamauina ni faamatalaga auiliili o le faailoaina o aia i lalo o le faafuaiupu (2) ina ia avanoa i itula talafeagai uma mo le asiasia e so o se tagata i luga o le totoigiina o ni totogifuapauina e pei ona mafai ona fuafuaina e le Pulega, mai lea taimi i lea taimi.

15. Taloina o fonotaga-(1) E tatau i le Pulega ona fono i taimi uma e manaomia ai galuega a le Pulega, ma i taimi ma nofoaga e pei ona fuafuaina e le Pulega, po o e pei ona faatonuina e le Taitaifono, peitai i so o se tulaga, e tatau ona fono ia lē itiiti ifo na i le tai-tasi i masina e tolu (3).

(2) Afai ua maua e le Taitaifono se talosaga ina ia faia faapea e sui auai e lē itiiti ifo i lo le toatolu (3), e tatau i le Taitaifono ona taloina se fonotaga a le Pulega i totonu o le 14 aso.

(3) Mo faamoemoega o le faafuaiupu (1), e tatau i le Taitaifono ona tuuina atu se faasilasilaga o fonotaga i sui auai taitasi uma ia lē itiiti ifo i lo le fitu (7) aso.

16. Fonotaga a le Pulega-(1) I so o se fonotaga a le Pulega, e tatau ona toalima (5) le aofai o sui auai e mafai ai ona faia se fonotaga.

(2) E tatau i le Taitaifono ona taitaia fonotaga taitasi uma e auai ai o ia.

(3) Afai ua toesea mai se fonotaga le Taitaifono ona o so o se mafuaaga, e tatau i sui auai o lo o auai ona filifilia se toatasi (1) o sui auai e taitaia lena fonotaga.

(4) I fonotaga taitasi uma, e tatau i le Taitaifono po o le isi tagata o lo o avea ma taitaifono ona i ai sana palota e faia ai se filifiliga, ma i le tulaga o le tutusa o palota, e tatau foi i le Taitaifono ona i ai sana palota e faia ai le faaiuga.

(5) O fesili taitasi uma e tulai mai i se fonotaga, e tatau ona faia le faaiuga i se aofaiga fulisia o palota.

(6) I le noatia ma le fai fuafua i isi aiaiga o lenei Tulafono, e mafai e le Pulega ona faatonutonuina ana taualumaga i se faiga e pei ona manatu le Pulega ua talafeagai ai.

17. Komiti o le Pulega-(1) Ina ia fesoasoani i le Pulega i le faataunuuna o ana galuega tauave, e mafai e le Pulega ona tofia ni komiti faufautua, komiti suetusi, komiti e faatonutonuina faaletulafono ma se komiti tau tomai faapitoa e pei ona ia fuafuaina, ma e mafai e le Pulega ona:

(a) fuafuaina ni galuega tauave mo ia komiti; ma

(b) tuuina atu i na komiti ni malosiaga o le Pulega e pei ona talafeagai ai mo komiti ina ia faatino ai a latou galuega tauave.

(2) E mafai ona aofia ai i sui auai o komiti ua tofia i lalo o le faafuaiupu (1) sui auai o le Pulega, afaigaluega a le Pulega ma nisi tagata e pei ona manatu le Pulega e talafeagai ai mo komiti i le faatinoga o a latou galuega tauave.

(3) E mafai ona totogiina i sui auai o se komiti ua faavaeina i lalo o le faafuaiupu (1), ni totogifuapauina, alauni ma le toe totogiina o tupe faaalu e pei ona fuafuaina e le Pulega.

(4) I le noatia ma le fai fuafua i isi aiaiga o lenei Tulafono ma so o se isi faatonuga ua tuuina atu e le Pulega, e mafai e komiti taitasi uma ona faatonutonu ana taualumaga i se faiga ua ia manatu e talafeagai ai.

18. Tuuina atu o malosiaga-(1) E mafai e le Pulega ona tuuina atu i so o sana komiti, po o i le Ofisa Sili o Pulega, po o i so o se isi tagata ofisa o le Pulega, so o sona malosiaga i lalo o lenei Tulafono, ae vagana ai o lenei malosiaga o le tuuina atu.

(2) I le noatia ma le fai fuafua i so o se faatonuga faalauaitete pe faapitoa ua tuuina atu e le Pulega, e mafai e so o se komiti po o se tagata lea ua faapea ona tuuina atu i ai malosiaga, ona faatino ia malosiaga i le faiga tutusa ma le tulaga tutusa e aloaia ai e faapei ua faaeeina atu i se faiga tuusao e lenei Tulafono, ae lē ona o le tuuina atu o malosiaga.

(3) O komiti taitasi po o tagata taitoatasi uma ua faamoemoe e galulue i lalo o so o se malosiaga ua tuuina atu i lalo o lenei fuaiupu, e tatau ona faatatauina ia galulue e tusa ai ma tuutuuga o le tuuina atu o malosiaga seia vagana ua faamaonia i se isi faiga e ese ai.

(4) E tatau i le tuuina atu o malosiaga taitasi uma ona faalēaogāina ma le loto i ai, ma e leai se malosiaga e tuuina atu e tatau ona taofia mai ai le faatinoga o so o se malosiaga e le Pulega lava ia.

(5) Seia vagana ai ua faalēaogāina le tuuina atu o so o se malosiaga, e tatau lava ona faaauau pea ona faamamaluina e tusa ai o ona tuutuuga, tusa lava po o lo o i ai se suiga i le tulaga o sui auai o le Pulega, po o so o se komiti a le Pulega.

19. Tupe a le Pulega ma lipoti faaletausaga-(1) E mafai ona totogiina atu i le Pulega ni tupe e pei ona faatatauina e le Fono Aoao Faitulafono mo faamoemoega o lenei Tulafono.

(2) E tatau i le Pulega, i le aso 31 o Oketopa o tausaga taitasi, ona faaoo atu i le Minisita se lipoti i laasaga auiluma ma galuega faatino a le Pulega e tusa ai o ana galuega tauave mo le tausaga e faaiuina i le aso 30 o Iuni talu ai.

(3) E tatau ona aofia ai i lipoti faaletausaga:

- (a) se faamatalaga tau tupe ua sueina faasuetusi ua saunia e tusa ai ma taiala faavae o le tausiga o tusi ua taliaina i se itu lautele e pei ona faamatalaina manino mai i le Tulafono o le Pulega o Tupe a le Malo 2001;

- (b) se lipoti a se suetusi i faamatalaga tau tupe o lo o taua i le parakalafa (a);
 - (c) faamatalaga auiliili o laisene ma pemitā uma sa tuuina atu a o faagasolo le tausaga faaletupe lea o lo o faatatau i ai le lipoti (e aofia ai auiliiliga o aiaiga ia o lo o noatia ai le laisene sa tuuina atu);
 - (d) faamatalaga auiliili o so o se suiga i tuutuuga o se laisene sa faia e le Pulega a o faagasolo lena tausaga;
 - (e) faamatalaga auiliili o so o se faiga e faafae ai amio pulea sa faia e le Pulega e faasaga i so o se tagata a o faagasolo lena tausaga;
 - (f) faamatalaga auiliili o so o se faatonuga sa tuuina atu e le Minisita i lalo o lenei Tulafono;
 - (g) se ootoga o le taunuuga o so o se suesuega po o se iloiloga sa faia e le Pulega a o faagasolo lena tausaga.
- (4) I totonu o aso fono e 12 talu ona maua le lipoti faaletausaga a le Pulega, e tatau i le Minisita ona faataatia le lipoti i luma o le Palemene.

Vaevaega 2 - Ofisa Sili o Pulega ma Isi Tagata Faigaluega

20. Ofisa Sili o Pulega-(1) E tatau i Le Ao o le Malo, i le faia i luga o le fautuaga a le Kapeneta, ona tofia se Ofisa Sili o Pulega o le Pulega:

- (a) mo se vaitaimi e pei ona faamaoti mai i le tofiga, lea e lē mafai ona silia i le tolu (3) tausaga;
 - (b) ma i luga o isi tuutuuga ma aiaiga e pei ona faamaonia e le Kapeneta po o le Pulega.
- (2) E tatau ona avea le Ofisa Sili o Pulega ma faauluuluga e pulea le Pulega ma e tatau ona tali atu i le Pulega mo le faafaeina lelei ma atoatoa o le Pulega, ma mo le faataunuaina o galuega tauave a le Pulega, e aofia ai le aoina o totogifuapauina ma komisi ma lafoga i lalo o lenei Tulafono.
- (3) E mafai ona aveesea le Ofisa Sili o Pulega mai le tofi e ala i se faaiuga a le Kapeneta i lena tulaga.

(4) I le tauaveina o ona tiute tauave, e tatau i le Ofisa Sili o Pulega ona mulimuli i so o se faatonuga faalauaitete pe faapitoa e tuuina atu e le Pulega.

(5) E agavaa le Ofisa Sili o Pulega mo le toe tofiaina.

(6) E tatau ona faia totogi uma ma isi alauni ma tupe alu e totogi atu i le Ofisa Sili o Pulega, e tusa ai o faiga faavae ua faamaonia e le Kapeneta o lo o faaaogāina mai lea taimi i lea taimi, ma e tatau ona totogi atu mai faaputugatupe a le Pulega.

(7) E lē tatau i le Ofisa Sili o Pulega ona galue i so o se isi pisinisi po o galuega e aunoa ma le uluai maliega tusitusia a le Pulega.

21. Sui Ofisa Sili o Pulega-(1) E mafai e le Pulega i ni tuutuuga ma aiaiga ua ia faamaotiina, ona tofia se tagata talafeagai e avea o se Sui Ofisa Sili o Pulega o le Pulega a o i ai so o se avanoa lē tumau i le tofi o le Ofisa Sili o Pulega, po o ona ua lē mafai ai e le Ofisa Sili o Pulega ona o so o se mafuaaga tatau, ona faatino tiute tauave o le tofi.

(2) I le i ai o sea avanoa o le tofi po o le lē mafai ai e le Ofisa Sili o Pulega ona galue, e mafai e le tagata ua tofia e avea o le Sui Ofisa Sili o Pulega ona faatino galuega tauave ma malosiaga uma o le Ofisa Sili o Pulega, ma e tatau ona faatino tiute tauave uma o le tofi.

22. Tagata faigaluega a le Pulega-(1) E mafai e le Pulega ona tofia isi tagata ofisa ma tagata faigaluega o le Pulega e pei ona manatu ua talafeagai ai mo faamoemoega o le tauaveina o galuega tauave a le Pulega.

(2) E mafai ona auai tagata ofisa i lalo o konekarate mo vaitaimi faatulagaina po o ua tofia e umia le tofi e tusa ai ma faiga faavae o le faafaigaluegaina ma tuutuuga ma aiaiga ua faamaonia e le Pulega.

(3) E mafai e se tagata ofisa i so o se taimi ona ulufale ma nofo ai pea i le nofoaga ma fale o se kasino mo faamoemoega o le:

- (a) matamata i taaloga eseese tau tupe;
- (b) mataituina so o se faagaoioiga o le kasino;

- (c) faamautinoa pe o le faagaoioiga o le kasino ua faatino, vaavaaia ma faafoe lelei;
- (d) faamautinoa pe ua tausisia aiaiga o lenei Tulafono; ma
- (e) i totonu o so o se isi lava tulaga ua faatino ai ona malosiaga po o le faatinoina o ona tiute tauave.

VAEGA III O KASINO

Vaevaega 1 - Faatomuaga

23. Aofaiga o laisene kasino-(1) E mafai e le Kapeneta i luga o le fautuaga a le Minisita, ona fuafua le aofai o laisene kasino lea e mafai ona faamalositia i lalo o lenei Tulafono, i so o se taimi maoti ae peitai o le a lē tatau ona sili atu na i lo le lua (2) laisene mo le 10 tausaga muamua i le tuanai ai o le faamamaluina o lenei Tulafono.

(2) E faaaogā se laisene kasino i le na o le kasino e tasi (1).

24. Manaoga mo se kasino-(1) E faatoa tatau lava ona faatagaina taaloga i kasino i vaega o se faletalimalo tele ua faailoagofie mai i se laisene ua tuuina atu e le Pulega.

(2) E lē tatau ona faatagaina se tagata po o le faia o se taaloga i kasino i totonu o so o se nofoaga, seia vagana ai o lo o umia e lea tagata se laisene ua tuuina atu e le Pulega.

(3) E leai se tagata e ese mai na i lo le tagata o lo o umia se tusi folau o atunuu ese, o ia lea o lo o nofo ai, o se malo a se kasino o le faletalimalo tele po o se isi faletalimalo, e i ai se aia tatau e ulufale ai, nofo ai pea pe auai i totonu o taaloga i kasino, e ese mai na i lo le tagata ofisa o ia lea e mafai ona ulufale ma nofo ai pea pe a faatinoina tiute tauave o lana galuega.

(4) E mafai e le Pulega ona fuafua so o se mataupu ua taua:

- (a) o le nofoaga ua faatagaina mo se kasino;
- (b) o le tele ma le ituaiga fausaga manaomia mo se kasino;
- (c) ua manaomia le atinae ia faia i le tulaga fesootai ma le faavaeina o se kasino e aofia ai manaoga mo se faletalimalo lea e avea ai le kasino ma vaega;

(d) so o se isi lava mataupu ua faatonuina e uiga i le faavaeina o se kasino.

25. E mafai e le Pulega ona valaauina ni tauofoga-(1) I le faatonuga a le Minisita, ua tatau ai i le Pulega ona valaau faalauaitete ni tauofoga, mo le faavaeina ma le faagaoioiga o se kasino.

(2) O se tusi o tauofoga i lalo o le faafuaiupu (1):

(a) e tatau ona tuuina atu ai faamatalaga e uiga i manaoga mo le faavaeina ma le faagaoioiga o se kasino ua fuafuaina; ma

(b) e tatau ona aofia ai nisi lava mataupu ia ua manatu le Pulega ua talafeagai ai.

(3) E mafai e le Pulega ona faaee atu se totogifuapauina mo so o se tauofoga ua faia i lalo o lenei fuaiupu.

26. E mafai e le Pulega ona faia feutagaiga ma sainia ni feagaiga-(1) E mafai e le Pulega, i le faatagaga a le Minisita ona faia feutagaiga ma sainia feagaiga e avea ai ma sui o le Malo mo po o e fesootai ma le faavaeina ma le faagaoioiga o se kasino ma so o se atinae lea e avea ai ma vaega se kasino po o se kasino ua fuafuaina.

(2) O se feagaiga ua faia i lalo o lenei fuaiupu e mafai ona aofia ai na o tuutuuga e ogatasi ma lenei Tulafono, lea ua faamaonia e le Minisita i luga o le fautuaga a le Pulega.

(3) O se feagaiga ua faia i lalo o lenei fuaiupu e mafai ona aiaia ai e faapea o noataga uma po o noataga maoti ua faaee atu e le feagaiga e ao ona iloiloina e avea ma tuutuuga o le laisene talafeagai o le kasino ma o sea aiaiga ua aloaia e tusa o lea itu.

(4) O le faaliliuina po o le faalavelave i aia tatau ma noataga ua faaee atu po o ua tuuina atu e se feagaiga ua faia i lalo o lenei fuaiupu, e faalēaogāina seia vagana ai ua malie le Minisita i luga o le fautuaga a le Pulega, i le faaliliuina po o le faalavelaveina ma so o se tuutuuga i le noatia ma le fai fuafua i le tausisia o le itu na tuuina atu ai le maliega.

(5) E mafai e le Minisita, i luga o le fautuaga a le Pulega, ona suia pe faalēaogāina se maliega ua tuuina atu i lalo o le faafuaiupu (4).

Vaevaega 2 - Laiseneina o Kasino

27. Tuuina atu o laisene e le Pulega - E mafai e le Pulega, i le noatia ma le fai fuafua i aiaiga o leni Tulafono ona tuuina atu i so o se tagata se laisene mo le faagaoioiga o se kasino i totonu o Samoa.

28. Tulaga e talafeagai faaletulafono o gaoioiga o kasino-(1) E ui lava i so o se isi tulafono ae peitai i le noatia ma le fai fuafua i aiaiga o leni Tulafono, e tatau i se kamupani kasino ua laiseneina ona faagaoioi faaletulafono se kasino i totonu o Samoa.

(2) E lē tatau ona faatatauina se kasino e faapea o se faasoesa i tagata lautele po o tulaga tumaoti e ala i se mafuaaga e faapea na o le faaogāina lava e avea o se fale taalo.

(3) E lē tatau i se tagata ona faia se taualumaga faaletulafono seia vagana ai e faasaga i se kamupani ua laiseneina ina ia toe faaola mai:

(a) tupe ua manumalo ai a o faagasolo taaloga i le kasino;

(b) tupe, i luga o se siaki tupe po o isi pepa faamaonia, ua tuuina atu i le totonu o tupe ua faapea ona manumalo ai; po o

(c) se nogatupe o tupe ia o le a taalo ai i totonu o le kasino,

lea e lē mafai ona faatino pe ana faapea e le i faamaonia leni Tulafono.

29. Talosaga mo se laisene kasino - O talosaga taitasi uma mo se laisene kasino e tatau ona faia i le Pulega i totonu o se pepa faatumu ua faamaonia e le Pulega.

30. Tulaga talafeagai o kamupani kasino ua laiseneina-(1) A o lumanai ai le faia o se feagaiga mo se faagaoioiga o se kasino, e tatau ona faamalieina le Pulega e faapea ua talafeagai tagata talosaga ma tagata e i ai aafiaga taua.

(2) I le iloiloina ai pe ua talafeagai le tagata talosaga po o tagata e i ai aafiaga taua, e ao i le Pulega ona amanaia mataupu ua taua e faapea:

(a) o le faamaoni o le tagata talosaga po o tagata e i ai aafiaga taua, e aofia ai -

(i) e tusa lava pe o le tagata talosaga po o tagata e i ai aafiaga taua, sa faamaonia se moliaga faaletulafono i se soligatulafono e faatatau i ai; ma

(ii) e tusa lava pe o le tagata talosaga po o tagata e i ai aafiaga taua sa faatonuina le amio e se faalapotopotoga tau tomai faapitoa mo amioga lē pulea; ma

(iii) pe o le tagata talosaga po o tagata e i ai aafiaga taua sa faatonuina le amio i so o se faiga a o faagasolo se aafiaga muamua i se kasino; ma

(iv) so o se isi lava mataupu ua faatulai mai i totonu o lipoti a leoleo, ma le lipoti a so o se sui sooupu a le Malo lea ua tuuina atu i ai le talosaga, e pei ona tuuina atu i lalo o le faafuaiupu (3); ma

(b) le tulaga tau tupe a le tagata talosaga po o tagata e i ai aafiaga taua, e aofia ai -

(i) pe o le tagata talosaga po o tagata e i ai aafiaga taua ua talitonuina sa gaumativa; ma

(ii) pe o le tagata talosaga po o tagata e i ai aafiaga taua sa aafia tonu ai i le faafauga o se kamupani lea ua oo atu i le tulaga e pulea ai e le tagata ua mauaina po o ua faamaapeina meatotino a le kamupani; ma

(iii) pe o le tagata talosaga po o tagata e i ai aafiaga taua ua i ai alaoa tau tupe ua lava atoatoa; ma

(c) atamai faapisinisi o le tagata talosaga po o tagata e i ai aafiaga taua e aofia ai -

(i) pe o le tagata talosaga po o tagata e i ai aafiaga taua ua i ai le poto masani tau faafuoga atoatoa o le pisinisi; ma

(ii) pe o le tagata talosaga po o tagata e i ai aafiaga taua ua i ai le poto masani atoatoa i totonu o le faagaoioiga o se kasino po o le faagaoioiga o se pisinisi e foliga tutusa; ma

(iii) pe o le tagata talosaga po o tagata e i ai aafiaga taua ua i ai agavaa talafeagai i le faagaoioiga o se kasino; ma

(d) le faatulagaga tau faafuoga a le tagata talosaga, e aofia ai -

(i) pe o lea faatulagaga ua faatulaga lelei mo le tausisia lelei o lenei Tulafono; ma

(ii) le uiga moni o aia talafeagai uma i le faatulagaga tau tupe ma le faafuoga a le tagata talosaga; ma

(iii) pe o ia aia uma o faamalosi ai le tausisia lelei e le tagata talosaga o le Tulafono; ma

(e) so o se isi lava mataupu ua manatu le Pulega ua talafeagai ai.

(3) I le mauaina ai o se talosaga mo se laisene kasino, e ao i le Pulega ona suesueina le tagata talosaga ma tagata e i ai aafiaga taua.

(4) E aunoa ma le faatapulaaina o le faafuuiupu (3), e mafai e le Pulega:

(a) ona manaomia le tagata talosaga ma tagata e i ai aafiaga taua ia malilie e pueina o latou ata ma ata o tulaga lima; ma

(b) e mafai ona manaomia le tagata talosaga ma tagata e i ai aafiaga taua ina ia tuuina atu nisi faamatalaga; ma

(c) e ao ona tuuina atu se ata o le talosaga, so o se ata pue, ata o tulaga lima, po o isi faamatalaga ua maua i le suesuega, i le Komesina o Leoleo ma so o se lala sooupu a le Malo lea ua manatu le Pulega ua talafeagai ai.

(5) O le Komesina o Leoleo ma so o se lala sooupu a le Malo o ia lea ua tuuina atu i ai le talosaga, e tatau ona susesueina ma lipoti atu i le Pulega e uiga i le tagata talosaga ma tagata e i ai aafiaga taua.

(6) E mafai e le Pulega ona teena le tuuina atu o se laisene kasino pe afai o le tagata talosaga po o tagata e i ai aafiaga taua ua lē mafai ona tuuina atu faamatalaga sa talosagaina e le Pulega, po o ua teena le pueina o tulaga lima ma ata pue.

(7) O tulaga lima ma ata pue sa tuuina atu e le Pulega i le Komesina o Leoleo po o isi lala sooupu a le Malo e ao ona toe faafoi i le Pulega mo le faatamaia i lalo o le faafuaiupu (8).

(8) O tulaga lima ma ata pue sa manaomia e le Pulega e ao ona faaleagaina vave i le tuanai ai o le faaiuga a le Pulega pe tuuina atu pe leai ia se laisene kasino.

31. Pepa faatumu o laisene kasino-(1) O se laisene ua tuuina atu i lalo o le fuaiupu 27 e tatau ona i ai i le pepa faatumu ua faatonuina ma e tatau ona faamaoti ai:

- (a) le aso o lona tuuina atu;
 - (b) le aso o lona faamutaina;
 - (c) le igoa o le kamupani kasino ua laiseneina;
 - (d) le tuatusi i Samoa ua faamaoti mai e le kamupani ua laiseneina mo le faaooina atu o pepa aloaia i le kamupani;
 - (e) tuatusi o le kasino;
 - (f) nofoaga ia ua tuufaatasia ai le kasino;
 - (g) isi faamatalaga auiliili e faasino i le kasino e pei ona manatu le Pulega ua talafeagai ai; ma
 - (h) isi faamatalaga auiliili e pei ona faatonuina; ma
 - (i) e tatau ona noatia ma fai fuafua i tuutuuga ma aiaiga ua faamaotiina i totonu o le feagaiga, pe afai e i ai, ua faasinomia i totonu o le fuaiupu 26,
- pe afai ua faia e le Pulega se faaiuga e teena ai le tuuina atu o se laisene kasino, e tatau i le Pulega ona tuuina atu i le tagata talosaga se faasilasilaga tusitusia o le faaiuga, ma mafuaaga mo lea faaiuga.

32. Vaitaimi o laisene kasino-(1) O le a tumau pea ona faamamaluina se laisene kasino seia oo ina faamutaina i le aso ua faamaoti mai i totonu o le laisene e avea ma aso o le faamutaina o le laisene:

- (a) seia vagana ai ua vave taofia po o ua faalēaogāina; ma
- (b) vagana ai pe afai ua taofia lē tumau;
- (c) i lalo o lenei Tulafono.

33. Taofia o laisene kasino-(1) E mafai ona taofia se laisene kasino a se kamupani kasino ua laiseneina i so o se taimi.

(2) E lē mafai ona taofia se laisene kasino a le kamupani kasino ua laiseneina, pe afai o i ai se aofaiga o tupe e ono totoigiina e le kamupani i le Pulega i lalo o le fuaiupu 36 po o le fuaiupu 37.

34. Mafuaaga o le taofia lē tumau po o le faalēaogāina o laisene kasino-(1) E mafai e le Pulega ona taofia lē tumau pe faalēaogāina le laisene kasino pe afai:

- (a) ua faamaonia se moliaga o le kamupani kasino ua laiseneina i so o se soligatulafono i lalo o lenei Tulafono;
- (b) ua faamaonia se moliaga o lē e ona le kamupani kasino ua laiseneina i se soligatulafono e ono faasalaina ai ia lē itiiti ifo i le lua (2) tausaga e nofosala ai i le falepuipui;
- (c) ua solia e le kamupani kasino ua laiseneina se aiaiga o lenei Tulafono;
- (d) ua lē mafai ona tausisia e le kamupani kasino ua laiseneina so o se tuutuuga po o aiaiga o le feagaiga e faagaoioi ai kasino, pe afai e i ai;
- (e) ua solia e le kamupani kasino ua laiseneina se manaoga o le Pulega e faasino i se mataupu tau tupe teufaafaigaluega i atunuu i fafo;

- (f) ua tuuina atu ma le iloa lelei po o le faatamala e le kamupani kasino ua laiseneina i le Pulega, tagata ofisa po o so o se isi lava tagata o ia lea o lo o faatinoina e tusa ai o lenei Tulafono, se galuega tauave i le avea ai ma sui o le Malo, ia se faamatalaga lea e sese po o e taufaasese i totonu o se faamatalaga auiliili faapitoa;
 - (g) ua lē mafai e le kamupani kasino ua laiseneina ona ausia tulaga tau tupe totogi a le kamupani pe a oo ina totogiina po o e ono mafai ona totogiina;
 - (h) ua faia taualumaga e faamaape ai le kamupani kasino ua laiseneina;
 - (i) ua faamalieina le Pulega e faapea o le kamupani kasino ua laiseneina ua lē mafai, po o ua taofia le avea ma se tagata talafeagai e avea o sē e umia le laisene i le amanaia ai o manaoga ua faamaoti mai i totonu o le fuaiupu 30(2).
- (2) E ui i so o se isi lava aiaiga o lenei Tulafono, e mafai e le Pulega pe afai ua faamalieina e faapea, e mo le manuia o tagata lautele ua faia ai faapea:
- (a) ia taofia lē tumau le laisene kasino mo sea vaiitami e pei ona manatu le Pulega ua talafeagai ai; po o
 - (b) le faalēaogāina o le laisene kasino.

35. Taualumaga mo le taofia lē tumau po o le faalēaogāina o laisene kasino-(1) Afai ua filifili le Pulega ia taofia lē tumau pe faalēaogāina se laisene kasino, e tataui i le Pulega e ala i se faasilasilaga tusitusia ona talosagaina le kamupani kasino ua laiseneina ia faaali mai mafuaaga, i totonu o sea vaiitami (ia lē itiiti ifo i le 21 aso i le tuanai ai o le tuuina atu o le faasilasilaga) e pei ona faamaoti mai i totonu o le faasilasilaga, pe aisea o le a lē taofia lē tumau ai pe faalēaogāina le laisene kasino, i le a lava le tulaga e mafai ai.

(2) E tataui i se faasilasilaga i lalo o le faafuaiupu (1) ona faamaoti ai mafuaaga mo lona tuuina atu.

(3) E tataui i le Pulega ona amanaia so o se tali mai ua faia i lalo o le faafuaiupu (1) ma:

- (a) afai ua foia le mataupu i lona tulaga lelei, e lē tatau ona toe faia nisi gaoioiga;
- (b) afai e le i foia le mataupu i lona tulaga lelei, ae peitai ua manatu le Pulega o lea gaoioiga e taofia lē tumau ai pe faalēaogāina ai le laisene kasino e lē manaomia, e mafai, i se faiga tusitusia, ona lapataia le kamupani kasino ua laiseneina; po o
- (c) afai e le i foia le mataupu i lona tulaga lelei ma ua faamalieina le Pulega e faapea o nisi gaoioiga e manaomia, e mafai -
 - (i) e ala i se faasilasilaga tusitusia, ona tuuina atu sea faatonuga e pei ona manatu le Pulega ua talafeagai ai; po o
 - (ii) le taofia lē tumau mo se vaitaimi pe faalēaogāina, le laisene kasino, e pei ona manatu le Pulega ua talafeagai ai.

(4) Afai ua lē tausisia se faatonuga sa tuuina atu e le Pulega i lalo o le faafuapiupu (3)(c)(i) i totonu o le taimi ua faamaoti mai i le faasilasilaga, e mafai e le Pulega ona taofia lē tumau mo sea vaitaimi, pe faalēaogāina le laisene kasino, e pei ona manatu le Pulega ua talafeagai ai.

(5) Afai ua taofia lē tumau se laisene kasino i lalo o lenei Vaevaega, e mafai e le Pulega, e ala i se faasilasilaga tusitusia ua tuuina atu i le kamupani kasino ua laiseneina, i so o se taimi ona faamuta, po o le faaitiitia o le vaitaimi e taofia lē tumau ai le laisene.

(6) Afai ua taofia lē tumau po o ua faalēaogāina se laisene kasino i lalo o lenei Vaevaega, e tatau i le Pulega e ala i se faasilasilaga tusitusia, ona logoina le kamupani kasino ua laiseneina e uiga i le taofia lē tumau po o le faalēaogāina, ma mafuaaga o le taofia lē tumau po o le faalēaogāina.

36. Totogifuapauina o laisene kasino - E tatau ona totogi ia totogifuapauina ua faatonu e le kamupani ua laiseneina i le Pulega i le tuuina atu o le laisene kasino ma i le aso muamua o tausaga taitasi e mulimuli ane ai a o faagasolo le vaitaimi e faaogāina ai le laisene:

- (a) o se faasalaga i aso taitasi i le fua faatatau e 20 pasene i le tausaga e ono tatau ona totogiina e le kamupani kasino ua laiseneina i luga o so o se aofaiga o tupe faavae o le totogifuapauina o le laisene kasino, lea ua tumau pea le lē totogiina, i le tuanai ai o le sefulufa aso ina ua maea le taimi talafeagai mo le totogiina o le totogifuapauina;
- (b) o le faasalaga i aso taitasi e ono totogiina i lalo o le faafuaiupu (2), ua tuufaatasia i vaitaimi e tai-tolu (3) masina;
- (c) e mafai e le Pulega, mo so o se mafuaaga ua manatu le Pulega ua talafeagai ai, ona tuuina atu so o se vaega, po o le aofaiga atoa, o le faasalaga i aso taitasi e ono totogiina i lalo o lenei fuaiupu;
- (d) o le totogifuapauina o le laisene kasino ma faasalaga i aso taitasi e ono totogiina i lalo o lenei fuaiupu, ua avea ma aitalafu e totogi atu i le Malo ma e mafai ona toe maua mai e ala i se tagi i so o se faamasinoga e faatuatuaina ana faaiuga.

37. Komisi-(1)(a) E tatau i le kamupani kasino ua laiseneina ona totogi le komisi i luga o le aofaiga o tupe mama ua maua mai i masina taitasi i le fesootaiga ma le faagaioiga o le kasino.

- (b) O le komisi e ono totogiina i lalo o le parakalafa (a) e tatau ona avea ma aofaiga e tusa o le 15 pasene po o se isi fua faatatau e pei ona tatau i le Pulega ona fuafuaina mai lea taimi i lea taimi, o le aofaiga o le tupe mama ma e tatau ona totogiina atu i se faaputugatupe o taaloga, ua faatulagaina e le Pulega.

(2) E totogi le komisi i le Pulega e le kamupani kasino ua laiseneina i po o a o lumanai ai le aso galue mulimuli o masina taitasi, e sosoo ma le masina lea sa maua ai le aofaiga o tupe mama.

(3) Mo faamoemoega o le faafuaiupu (1) o le “aofaiga o tupe mama” ua maua mai i so o se masina mai taaloga e tatau ona faatatauina:

- (a) e ala i le toesea mai le aofaiga atoa sa maua e le kamupani kasino ua laiseneina i lea masina mai taaloga i le kasino, ia le aofaiga sa totogi atu a o faagasolo lea masina, e pei o tupe o manumalo e tusa ai o taaloga; ma
- (b) afai o le tau aogā o tupe meataalo e le i faaolaina mai i le faaiuga o lea masina e sili atu na i lo le tau aogā o tupe meataalo, i le amataga o lea masina e ala i le faaopoopo i ai i le aofaiga ua faamautinoa i lalo o le parakalafa (a) le eseese o ia tau aogā; po o
- (c) afai o le tau aogā o tupe meataalo i le faaiuga o lea masina e sili atu na i lo le tau aogā o tupe meataalo i le amataga o lea masina, ia toesea mai le aofaiga ua faamautinoa ai le eseese o ia tau aogā.

38. Tupe totogi o totogifuapauina ma komisi pe afai e taofia lē tumau le laisene kasino - O le noatia o le kamupani kasino ua laiseneina ia totogi le totogifuapauina o le laisene kasino po o le komisi, e lē aafia ai i le taofia lē tumau o le laisene kasino ma:

- (a) e faaauau pea ona totogiina lea totogifuapauina e le kamupani kasino ua laiseneina i le Pulega e tusa ai o so o se vaitaimi o le taofia lē tumau o le laisene; ma
- (b) e faaauau pea ona totogiina lea komisi e le kamupani kasino ua laiseneina i le Pulega.

39. Lisi o tagata e lē faatagaina i le kasino-(1) E tatau i le kamupani kasino ua laiseneina ona tausia, i se faiga tusitusia, se lisi o igoa o tagata o i latou ia ua faatonuina ia lē faatagaina i le kasino e pei ona faamalosi i lalo o le fuaiupu 52(1).

(2) E tatau i le kamupani kasino ua laiseneina ona faaavanoa atu i le Pulega ma le Ofisa Sili o Pulega se ata o le lisi o faasinomia i le faafuaiupu (1).

(3) So o se tagata o ia lea ua solia po o ua lē mafai ona tausisia aiaiga o lenei fuaiupu e tatau ona nofosala i se soligatulafono ma e tatau ona noatia i luga o se moliaga ua faamaonia faaetulafono:

- (a) afai o lē ua solitulafono o se faalapotopotoga ua tuufaatasia faaetulafono, i se sala tupe e lē silia le 125 iunite tau faasalaga;
- (b) afai o lē ua solitulafono o se tagata moni, i se sala tupe e lē silia le 25 iunite tau faasalaga.

40. Faaaogāina o le Tulafono o le Ava Malosi - E faaaogāina le Tulafono o le Ava Malosi 1971 e faasino i kasino, ae vagana ai ua aiaia i se isi faiga e ese ai e lenei Tulafono.

Vaevaega 3 - Tulaga Lautele

41. Malosiaga o tagata ofisa-(1) E mafai e se tagata ofisa ona:

- (a) manaomia se tagata o ia lea ua talitonu le tagata ofisa i luga o mafuaaga talafeagai, o i ai i meatotino a le tagata po o o i lalo o le vaiga a le tagata so o se meataalo tau taaloga po o tupe meataalo -
 - (i) ina ia tuuina atu meataalo po o tupe meataalo i le tagata ofisa mo le asiasia po o le suesueina; po o
 - (ii) le oo mai i luma o le tagata ofisa i se taimi ma se nofoaga talafeagai ua faamaoti mai e le tagata ofisa, ma ia i ai e tali atu i fesili, po o le tuuina atu o faamatalaga e faasino i meataalo po o tupe meataalo e pei ona faamaoti mai e le tagata ofisa;
- (b) manaomia se tagata ina ia -
 - (i) tuuina atu i le tagata ofisa mo le asiasia o ia faamaumauga o lo o puipuia malu pe o i le vaiga a le tagata e faafoeina le kasino po o le faagaioiga o le kasino e pei ona faamaoti mai e le tagata ofisa; po o

- (ii) ia oo mai i luma o le tagata ofisa i se taimi ma le nofoaga talafeagai ua faamaoti mai e le tagata ofisa, ma ia i ai e tali atu i fesili, ia aumai ia faamatalaga po o le tuuina atu o ia faamaumauga, e faasino i le kasino po o le faagaoioiga o le kasino, e pei ona faamaoti mai e le tagata ofisa;
- (c) ia asiasia po o le suesue so o se meataalo tau taaloga po o tupe meataalo pe suesue ia faamaumauga ma faia ata o, po o le faia o ni tusitusiga e faasino i ia faamaumauga, e faasino i le kasino po o le faagaoioiga o le kasino, e pei ona faamaoti mai e le tagata ofisa;
- (d) ia faatonu le kamupani kasino ua laiseneina ia aua nei faaaogāina so o se meataalo mo taaloga po o tupe meataalo lea ua manatu le tagata ofisa o le a lē talafeagai mo le faaaogāina;
- (e) ia talia ma afai ua manatu le tagata ofisa ua talafeagai ai, ia suesue se tagi e tusa ai o so o se tulaga o le faagaoioiga o le kasino ma fautuaina le tagata sa tagi e uiga i taunuuga o so o se suesuega; ma
- (f) valaau le fesoasoani a le tagata ofisa -
- (i) se isi tagata ofisa; po o
 - (ii) se tagata faigaluega a le kasino o ia lea i le talitonuga o le tagata ofisa, ua agavaa e fesoasoani atu i le tagata ofisa i le faatinoga o ona malosiaga po o le faatinoga o ona tiute tauave.
- (2) O se manaoga i lalo o le faafuuiupu (1)(a) po o le (1)(b) po o se faatonuga i lalo o le faafuuiupu (1)(d) e mafai ona faia i se tagata:
- (a) e ala i se faasilasilaga tusitusia; po o
 - (b) pe afai ua faamalieina le tagata ofisa e faapea o nisi tulaga faapitoa e aliae mai ua talafeagai ai le tuufofoga.

42. Suesuega-(1) Mo faamoemoega o lenei Tulafono, e mafai e le Pulega e ala i le pepa faamaonia, ona faatagaina le Ofisa Sili o Pulega, se tagata ofisa po o se isi lava tagata e faatino se suesuega e faasino i se mataupu faapitoa o i totonu o le pepa faamaonia, e ese ai na i lo le mataupu e aafia ai le komisi po o le komisi talafeagai o se soligatulafono e faasaga i lenei Tulafono po o se isi lava tulafono ua faamamaluina i Samoa.

(2) Mo faamoemoega o le faatinoga o se suesuega, e mafai e se tagata suesue, e ala i se faasilasilaga tusitusia, i le tuanai ai o le tuuina atu i se tagata le lapataiga o le noataga ia tausisia faatasi ai ma le manaoga, e manaomia ai lea tagata i totonu o sea vaitaimi ia lē itiiti ifo i lo le 21 aso e pei ona faamaoti mai i le faasilasilaga:

- (a) ia tuuina atu i le tagata suesue, i se tulaga tuufofoga po o i se faiga tusitusia, lea faamatalaga e pei ona faamaoti mai i totonu o le faasilasilaga;
- (b) ia tuuina atu i le tagata suesue ia pepa aloaia o lo o malupuipuia po o vaaia e le tagata, e aafia ai faamaumauga e faasino i le kasino po o le faagaioiga o le kasino e pei ona faamaoti mai i totonu o le faasilasilaga;
- (c) ia tuuina atu i le tagata suesue ia isi pepa aloaia o lo o malupuipuia po o vaaia e le tagata e pei ona faamaoti mai i totonu o le faasilasilaga; po o
- (d) ia tali atu, i le tulaga tuufofoga po o i se faiga tusitusia ia fesili e pei ona faamaoti mai i totonu o le faasilasilaga,

ina ia mafai ai ona faatinoina lelei le suesuega.

(3) E mafai e se tagata suesue:

- (a) ona suesue se pepa aloaia ua tuuina atu i lalo o le faafuuiupu (2); ma
- (b) faia ni ata o, po o le aveesea o faamatalaga mai ia vaega o le pepa aloaia e pei ona talafeagai ai i se mataupu autu o le suesuega.

(4) E lē tatau i se tagata, e aunoa ma se mafuaaga talafeagai:

(a) ona teena po o ua lē mafai ona tausisia se manaoga ua faia i lea tagata i lalo o le faafuaiupu (2) i le tulaga e faapea e ono mafai e le tagata ona tausisia lea manaoga; po o

(b) ua faamoemoe e tausisia lea manaoga, o le tuuina atu o faamatalaga ma le iloa lelei po o le faatamala po o le tuuina atu o se tali e pepelo pe taufaasese i totonu o se faamatalaga auiliili faapitoa.

(5) So o se tagata o ia lea ua solia po o ua lē mafai ona tausisia aiaiga o lenei fuaiupu, e tatau ona nofosala i se soligatulafono ma e tatau ona noatia i luga o se moliaga ua faamaonia faaletulafono:

(a) afai o lē ua solitulafono o se faalapotopotoga ua tuufaatasia faaletulafono, i se sala tupe e lē silia le 250 iunite tau faasalaga; po o

(b) afai o lē ua solitulafono o se tagata moni, i se sala tupe e lē silia le 50 iunite tau faasalaga.

43. Tuuaia o le tagata - E lē tatau ona tuuaia se tagata mai le tuuina atu o faamatalaga, pepa aloaia po o le tali atu i se fesili e tusa ai o se manaoga ua faia i le tagata i lalo o le fuaiupu 42(2) i luga o mafuaaga e faapea o le faamatalaga po o le tali atu, po o le tuuina atu o pepa aloaia, e ono mafai ona tuuaia ai le tagata; ae peitai o so o se faamatalaga ua tuuina atu, pepa aloaia ua faia po o le tali ua tuuina atu e tusa ai o se manaoga i lalo o lea faafuaiupu, ma so o se faamatalaga po o se mea (e aofia ai so o se pepa aloaia) ua maua e aveva o se aafiaga tuusao pe leai foi e mulimuli ane ai o le tuuina atu o le faamatalaga, tuuina atu o pepa aloaia po o le taliina o fesili, i le a lava le tulaga e mafai ai, e lē tatau ona faatagaina e aveva ma faamatalaga molimau e faasaga i le tagata i so o se tualumaga tau solitulafono po o tualumaga tau le va o tagata.

44. Tulaga faalilolilo-(1) I le noatia ma le fai fuafua i le faafuaiupu (3), e lē tatau i se tagata, i se faiga tuusao pe leai foi, ae vagana ai i le faatinoga o tiute tauave po o le faatinoina o malosiaga i lalo o lenei Tulafono, ona faia se faamaumauga o,

po o le faailoa atu i so o se tagata, so o se faamatalaga e tusa ai o mataupu a le isi tagata sa maua e le tagata ua taua muamua i totonu o le faatinoga o ia tiute tauave po o le faatinoina o ia malosiaga.

(2) I le noatia ma le fai fuafua i le faafuaiupu (5), e lē tatau i se tagata, ae vagana ai ua manaomia mo faamoemoega o lenei Tulafono:

- (a) ona tuuina atu i totonu o le faamasinoga se pepa aloaia lea ua ia umia po o o lo o i lalo o lana vaaiga; po o
- (b) le faailoa atu i le faamasinoga so o se faamatalaga lea ua ia silafiaina,

i le faatinoga o tiute tauave po o le faatinoga o malosiaga i lalo o lenei Tulafono.

(3) E mafai e le tagata ona:

- (a) faailoa atu faamatalaga maoti i ia tagata e pei ona faatonuina e le Pulega, pe afai ua faamaonia e le Pulega e faapea o lea faamatalaga ua talafeagai mo le manuia o tagata lautele e faapea e tatau lava ona faailoa atu faamatalaga;
- (b) ia faailoa atu faamatalaga i se pulega ua faatonuina po o se tagata ua faatonuina; po o
- (c) ia faailoa atu faamatalaga i se tagata o ia lea ua faatagaina faapitoa po o e le i faatagaina aloaia e se tagata o ia lea e faasino i ai le faamatalaga ina ia maua mai.

(4) O se pulega po o se tagata o ia lea ua faailoa atu i ai le faamatalaga i lalo o le faafuaiupu (3), ma se tagata po o se tagata faigaluega i lalo o le vaaiga a lea pulega po o lea tagata, e tatau, e tusa ai o lea faamatalaga, ona noatia ma fai fuafua i ia lava aia tatau, tulaga aloaia, matafaioi ma noataga i lalo o lenei fuaiupu e faapei ai o lea pulega, tagata po o le tagata faigaluega sa avea ma tagata e faatinoina tiute tauave i lalo o lenei Tulafono ma sa mauaina le faamatalaga i le faatinoga o ia tiute tauave.

(5) Afai:

- (a) ua faamaonia e le Pulega e faapea ua talafeagai ai mo le manuia o tagata lautele e faapea e tatau ona faailoa atu faamatalaga ua faamaotiina i se faamasinoga; po o
- (b) se tagata o ia lea e faasino i ai faamatalaga ia ua faatagaina faapitoa, ina ia faailoa atu i se faamasinoga,

e mafai ona manaomia se tagata:

- (c) ia tuuina atu i totonu o le faamasinoga so o se pepa aloaia o aofia ai le faamatalaga; po o
- (d) ia faailoa atu le faamatalaga i le faamasinoga.

(6) So o se tagata o ia lea ua solia po o ua lē mafai ona tausisia aiaiga o le faafuuiupu (1), e tatau ona nofosala i se soligatulafono ma e tatau ona noatia i luga o se moliaga ua faamaonia faaetulafono i se sala tupe e lē silia le 50 iunite tau faasalaga po o le nofosala i le falepuipui mo se vaitaimi e lē silia le 12 masina po o ia faasalaga uma e lua.

Vaevaega 4 - Faagaoioiga o Kasino

45. Tausiga o nofoaga ma fale - E tatau i le kamupani kasino ua laiseneina ona:

- (a) tausia nofoaga ma fale o le kasino ma nofoaga ma fale e faaaogāina e le afaigaluega a le kasino i sea tulaga e pei ona tatau ai ona uunaia le lelei o tagata e lagolagoina kasino;
- (b) faamautinoa e faapea o lo o lelei ma faautauta le vaaiga o le kasino i taimi uma;
- (c) faamautinoa e faapea o faatulagaga uma o masini a le kasino, o meataalo ma taulumaga mo le puipuiamalu, ua avanoa i ai ma ua suesueina, faaaogāina, faagaoioia ma faaaogāina lelei; ma
- (d) ia faamautinoa ua tausia i le faatulagaga lelei ma tulaga lelei meataalo tau taaloga ma tupe meataalo, ua faamaonia e le Pulega mo le faaaogāina i totonu o le kasino.

46. Faamaoniga o le faatulagaga-(1) E lē tatau i le kamupani kasino ua laiseneina ona faagaioia le kasino seia vagana ai ua tusa ai le faatulagaga o le kasino ma fuafuaga ma ata tusia ua faamaonia e le Pulega.

(2) E tatau i le kamupani kasino ua laiseneina ona faaoo atu, mo le faamaoniga a le Pulega:

(a) fuafuaga ma ata o le faatulagaga o le kasino; ma

(b) afai ua fuafua ina ia fetuunai le faatulagaga o le kasino, fuafuaga ma ata o le fetuunaiga ua fuafuaina.

(3) E mafai e le Pulega, e ala i se faasilasilaga tusitusia, ona manaomia le kamupani kasino ua laiseneina e tuuina atu nisi lava faamatalaga auiliili po o pepa aloaia, po o le tali atu i ia fesili e faasino i fuafuaga ma ata ua tuuina atu i le Pulega i lalo o lenei fuaiupu e pei ona faamaoti atu i le faasilasilaga.

(4) E lē tatau i le Pulega ona faamaonia fuafuaga ma ata i lalo o lenei fuaiupu seia vagana ai ua tausisia le faatulagaga o le kasino e pei ona faaalua i luga o fuafuaga ma ata, manaoga o tulafono faatonutonu.

(5) So o se tagata o ia lea ua ia solia po o ua lē usitaia aiaiga o le faafuaiupu (1), e tatau ona faamaonia le nofosala i se soligatulafono ma e tatau ona noatia i luga o se moliaga ua faamaonia faaetulafono:

(a) afai o lē ua solitulafono o se faalapotopotoga ua tuufaatasia faaetulafono, i se sala tupe e lē silia le 250 iunite tau faasalaga; po o

(b) afai o lē ua solitulafono o se tagata moni, i se sala tupe e lē silia le 50 iunite tau faasalaga.

47. Faamaoniga o meataalo ma tupe meataalo - E mafai e le Pulega ona faamaonia le faaogāina o meataalo ma tupe meataalo i le kasino.

Vaevaega 5 - Faasaina o Tagata mai Kasino

48. Ulufale ma le taofia mai kasino-(1) E lē tatau ona i ai se aia tatau a se tagata faasaga i le kamupani kasino ua laiseneina e ulufale ai, pe e i ai i totonu o le kasino.

(2) O aiaiga o lenei Vaevaega e lē tatau ona avea e faapea e aafia ai le faagaoioiga o so o se isi lava tulafono a Samoa.

(3) O aiaiga o lenei Vaevaega e lē tatau ona avea e faapea e faatagaina ai le faasaina o se tagata faatagaina mai le kasino.

49. Mafuaaga-(1) E lē tatau i se tagata ona ulufale atu i le kasino a o faagasolo itula o le faagaoioiga o le kasino pe afai:

(a) ua talosagaina e se tagata faigaluega o le kasino le tagata e aua le ulufale atu i le kasino i luga o le mafuaaga e faapea na solia talu ai e le tagata tulafono faafoe ua faamaonia o se taaloga faatagaina po o tulafono faafoe o amioga o lo o faamamaluina i le kasino; po o

(b) se tagata o lo o faasino i ai se faatonuga o lo o faamamaluina i lalo o le fuaiupu 52(1); po o

(c) e leai sana aia tatau e ulufale ai i lalo o le fuaiupu 24(3).

(2) E lē tatau i se tagata ona ulufale atu i le kasino a o faagasolo itula o le faagaoioiga o le kasino pe afai o le tagata:

(a) e i lalo ifo o le matua e 18 tausaga; po o

(b) e le o faatagaina, i luga o le mafuaaga o se tuutuuga ua faatonuina e le Pulega.

(3) E lē tatau i se tagata ona i ai pea i totonu o le kasino a o faagasolo itula o galuega a le kasino pe afai o le tagata:

(a) ua musu po o ua lē mafai ona tuuina atu faamatalaga e molimau ai i lona matua pe a talosagaina e se tagata faigaluega o le kasino ina ia faapea ona faia;

(b) pe a talosagaina e se tagata faigaluega o le kasino e tuua le kasino i luga o le mafuaaga e faapea -

(i) e foliga mai e le o malamalama atoatoa i le uiga moni po o tulaga e aliae mai o taaloga e pei ona faasino i le faaaogāina o tulafono faafoe o taaloga faatagaina ma e ono gau ai tupe;

(ii) e foliga mai o lo o aafia i le ava malosi po o fualaa faasaina i le maualuga e faapea ai ua lē mafai ai e lea tagata ona faia se fetuunaiga talafeagai i luga o se mafuaaga talafeagai a o taalo ai i taaloga faatagaina;

(iii) ua foliga mai o lo o aafia i le ava malosi po o fualaa faasaina i le maualuga e faapea ai o lea tagata ua aafia ai le faagaoioiga lelei o galuega a le kasino;

(iv) ua foliga mai o lo o faaimamago po o ua fuafua e faaimamago i le kasino; po o

(v) na solia talu ai tulafono faafoe o se taaloga faatagaina po o tulafono faafoe o amioga o lo o faamamaluina i totonu o le kasino;

(c) e lē faatagaina, e tusa ai o le mafuaaga o se tuutuuga ua faatonuina e le Pulega;

(d) o se tagata o ia lea ua faasino i ai se faatonuga ua faamamaluina i lalo o le fuaiupu 52(1); po o

(e) e leai se aia tatau e tatau ai ona i ai pea i lalo o le fuaiupu 24(3).

(4) E lē tatau i se tagata, ina ua talosagaina i lalo o le faafuaiupu (3)(a) ina ia tuuina atu se faamatalaga molimau o lona matua i tausaga, ona tuuina atu faamatalaga molimau e pepelo.

(5) E lē taofia se tagata mai le ulufale atu, po o le i ai i totonu o le kasino i luga mo le na o le mafuaaga e faapea o lea tagata e i lalo o le 18 tausaga le matua pe afai:

(a) o lea tagata o lo o faigaluega po o faataga e faigaluega i le kasino; po o

(b) ua ulufale atu, po o i totonu o le kasino faatasi ai ma lona toalua po o se tasi o ona matua, pe afai o le matua o le toalua po o se tasi o ona matua e le i lalo ifo ma le 18 tausaga -

(i) mo le faamoemoe o le taumamafa ai i se faleaiga i totonu o le kasino; po o

(ii) mo se faamoemoe e fesootai ma faafiafiaga e faia i le kasino lea e lē aofia ai le taalo po o le matamata i le faatinoga o se taaloga faatagaina.

(6) So o se tagata o ia lea ua solia po o ua lē mafai ona tausisia aiaiga o:

- (a) le faafuaiupu (1) e tatau ona nofosala i se soligatulafono ma e tatau ona noatia i luga o se moliaga ua faamaonia faaletulafono i se sala tupe e lē silia le 50 iunite tau faasalaga; po o
- (b) le faafuaiupu (2) po o le faafuaiupu (4) e tatau ona nofosala i se soligatulafono ma e tatau ona noatia i luga o se moliaga ua faamaonia faaletulafono i se sala tupe e lē silia le 25 iunite tau faasalaga.

50. Faamalosia-(1) E mafai e se tagata o ia lea o se:

- (a) leoleo;
- (b) tagata o lo o vaaia le kasino i lea taimi; po o
- (c) se sooupu po o se tagata faigaluega a le kamupani kasino ua laiseneina,

faatasi ai ma ia fesoasoani e pei ona talafeagai ai i luga o se mafuaaga tatau ma le faaaogāina o sea malosiaga e pei ona talafeagai ma tatau ai, ona lē mafai ona ulufale atu se isi tagata o ia lea e tusa ai ma le fuaiupu 49, e lē mafai ona ulufale atu po o le tumau ai i totonu o le kasino:

- (d) ina ia puipuia mai le ulufale atu i totonu o le kasino; po o
- (e) e ao ona aveese loa mai le kasino, po o le a lava le tulaga e manaomia ai.

(2) So o se tagata o ia lea, e aunoa ma se mafuaaga talafeagai, e faalavelave pe taofia se tagata i le faatinoga o se malosiaga ua faaee atu i luga o le tagata ua taua mulimuli i lalo o le faafuaiupu (1), e tatau ona nofosala i se soligatulafono ma e tatau ona noatia i luga o se moliaga ua faamaonia faaletulafono i se sala tupe e lē silia le 25 iunite tau faasalaga po o le nofosala i le falepuipui mo se vaitaimi e lē silia le ono (6) masina po o faasalaga uma e lua o le sala tupe ma le nofosala i le falepuipui.

51. Noataga o kamupani kasino ua laiseneina-(1) E lē tatau i le kamupani kasino ua laiseneina, i lona iloa lelei po o le faatamala:

- (a) ona faataga i totonu o le kasino se tagata, o ia lea e lē agavaa ina ia faapea ona faia, e tusa ai o le fuaiupu 24(3) po o le fuaiupu 49(1)(a) po o le fuaiupu 49(2)(a); po o
 - (b) ua lē mafai ona aveesea mai le kasino -
 - (i) se tagata o ia lea e faasino i ai se talosaga ina ia tuua le kasino, e se tagata faigaluega a le kasino, i lalo o parakalafa laiti (i), (ii), (iii) po o le (iv) o le fuaiupu 49(3)(b); po o
 - (ii) se tagata o ia lea e lē agavaa e nofo ai pea i totonu o le kasino e tusa ai o le fuaiupu 24(3) po o le fuaiupu 49(3)(c).
- (2) E lē tatau i se kamupani kasino ua laiseneina ona teena le faatagaina o se tagata e ulufale atu, po o le i ai i totonu o le kasino i luga o le na o le mafuaaga e faapea o lea tagata e i lalo ifo lona matua ma le 18 tausaga pe afai o le tagata:
- (a) o lo o faigaluega po o faataga e galue i le kasino; po o
 - (b) le ulufale atu, po o lo o i totonu o le kasino faatasi ai ma lona toalua po o se tasi o ona matua, o se toalua po o se tasi o matua o ia lea e le i lalo ifo o le 18 tausaga le matua -
 - (i) mo le faamoemoe e taumamafa ai i se faleaiga i totonu o le kasino; po o
 - (ii) mo se faamoemoe e fesootai ma faafiafiaga i le kasino lea e lē aofia ai le taalo po o le matamata i le faatinoga o se taaloga faatagaina.
- (3) So o se tagata o ia lea ua solia po o ua lē mafai ona tausisia aiaiga o le faafuaiupu (1), e tatau ona nofosala i se soligatulafono ma e tatau ona noatia i luga o se moliaga ua faamaonia faaletulafono:

- (a) afai o lē ua solitulafono o se faalapotopotoga ua tuufaatasia faaetulafono, i se sala tupe e lē silia le 250 iunite tau faasalaga; po o
- (b) afai o lē ua solitulafono o se tagata moni, i se sala tupe e lē silia le 50 iunite tau faasalaga.

52. Faatonuga a le Komesina o Leoleo-(1) E mafai e le Komesina o Leoleo, po o se leoleo ua faatagaina e le Komesina mo le faamoemoe e ala i se faasilasilaga tusitusia, ona faatonuina le kamupani kasino ua laiseneina ina ia aveesea mai le kasino, se tagata ua faamaoti mai i totonu o le faasilasilaga.

(2) E lē tatau ona tuuina atu se faatonuga ua faia i lalo o le faafuaiupu (1) i se tagata, seia vagana ai ua talitonu le leoleo ua faatagaina i luga o mafuaaga talafeagai e faapea, o le tagata o lo o, pe sa ia auai i, po o sa fesootai ma tagata o lo o auai i, le taalo faaimamago, taalo faagaoi po o so o se faiga e lē tusa ai, i taaloga eseese tau tupe.

(3) Afai ua tuuina atu se faasilasilaga i lalo o le faafuaiupu (1) i le kamupani kasino ua laiseneina, e tatau i le leoleo faatagaina ona:

- (a) faaavanoa atu i le kamupani kasino ua laiseneina se ata pue lata mai o le tagata ua faamaoti mai i totonu o le faasilasilaga;
- (b) afai e lē mafai ona faatino le tausisia o le parakalafa (a) - e tatau ona tuuina atu i le kamupani kasino ua laiseneina sea faamatalaga o le tagata ua faamaoti mai i totonu o le faasilasilaga e pei ona tatau ai ona mafai e le kamupani kasino ua laiseneina ona faailoagofie mai le tagata i so o se taimi.

(4) O kamupani kasino taitasi uma ua laiseneina o i latou ia, e aunoa ma se mafuaaga talafeagai ua solia po o ua lē mafai ona tausisia se faatonuga i lalo o le faafuaiupu (1), e tatau ona nofosala i se soligatulafono ma e tatau ona noatia i luga o se moliaga ua faamaonia faaetulafono:

- (a) afai o sea kamupani kasino ua laiseneina o se faalapotopotoga ua tuufaatasia faaetulafono, i se sala tupe e lē silia le 500 iunite tau faasalaga; po o

(b) afai o sea kamupani kasino ua laiseneina o se tagata moni, i se sala tupe e lē silia le 100 iunite tau faasalaga.

53. Faalēaogāina o le faatonuga-(1) E mafai e le Komesina o Leoleo, po o se leoleo ua faatagaina e le Komesina mo le faamoemoe, i luga o se talosaga ua tuuina atu ia te ia e le tagata lea e faasino i ai se faatonuga na tuuina atu i le kamupani kasino ua laiseneina e se leoleo ua faatagaina i lalo o le fuaiupu 52(1), ona faalēaogāina le faatonuga pe afai ua faamalieina le leoleo ua faatagaina e faapea o le tagata o se tagata ua talafeagai ma lelei, ia faatagaina e ulufale atu ma auai i taaloga eseese tau tupe i totonu o le kasino.

(2) E tatau i le leoleo ua faatagaina i se taimi vave lava e mafai ai ona faatino i le maea ai o le faalēaogāina o se faatonuga, ona logoina i se faiga tusitusia le kamupani kasino ua laiseneina ma le tagata lea e faasino i ai le faatonuga na tuuina atu o le faalēaogāina.

(3) O se faalēaogāina ua faia i lalo o le faafuaiupu (1) e tatau ona faia i se pepa faamaonia i se faiga tusitusia.

Vaevaega 6 - Taaloga ma Gaoioiga e Fesootai i ai

54. Taaloga ua faatagaina-(1) E mafai e le Pulega e ala i tulafono faatonutonu ona faamaonia so o se taaloga e avea o se taaloga e mafai ona faafoeina pe faia i totonu o se kasino e tusa ai o se laisene kasino.

(2) O tulafono faatonutonu e tusa ai o se taaloga e tatau ona aofia ai se faamalamalama o tulafono faafoe mo le faagasologa o le taaloga.

(3) O tulafono faafoe mo le faagasologa o se taaloga e mafai ona suia e ala i tulafono faatonutonu e mulimuli ane ai.

(4) O le faasinomaga o i le faafuaiupu (3) i se suiga o tulafono faafoe ua faamaonia o se taaloga, e tatau ona faitauina ina ia aofia ai se faasinomaga i se gaoioiga e le i faia mai i, po o se faaopoopoga i ia tulafono faafoe.

(5) E tatau i le Pulega, i se taimi vave lava e mafai ai ona faatino, ona logoina i se faiga tusitusia le kamupani kasino ua laiseneina e uiga i:

- (a) tulafono faafoe ua faamaonia e le Pulega lea e ao ona faafoe ai se taaloga faatagaina; ma
 - (b) so o se suiga o tulafono faafoe faamaonia o se taaloga faatagaina.
- (6) E tatau i le kamupani kasino ua laiseneina ona faamautinoa e faapea o ata lomina o tulafono faafoe ua faamaonia o taaloga taitasi uma ua faatagaina o lo o faafoe i totonu o le kasino e avanoa saoloto i ai tagata e lagolagoina le kasino.

55. Meataalo ma tupe meataalo-(1) E lē tatau i se tagata e ese ai na i lo se tagata ua faatagaina e le Pulega, seia vagana ai o lo o i totonu o le kasino, ona i ai ia te ia so o se meataalo po o tupe meataalo ua faamaonia e le Pulega mo le faaaogāina i le kasino.

(2) E lē tatau i se tagata ona faalauiloa po o le umia o so o se meataalo po o tupe meataalo i totonu o le kasino e ese mai na i lo meataalo ma tupe meataalo ua faamaonia e le Pulega mo le faaaogāina i kasino.

(3) So o se tagata o ia lea ua solia po o ua lē mafai ona tausisia aiaiga o lenei fuaiupu, e tatau ona nofosala i se soligatulafono ma e tatau ona noatia i luga o se moliaga ua faamaonia faaletulafono:

- (a) afai o lē ua solitulafono o se faalapotopotoga ua tuufaatasia faaletulafono, i se sala tupe e lē silia le 250 iunite tau faasalaga; po o
- (b) afai o lē ua solitulafono o se tagata moni, i se sala tupe e lē silia le 50 iunite tau faasalaga po o le nofosala i le falepuipui mo se vaitaimi e lē silia le 12 masina po o ia faasalaga uma e lua, o le sala tupe ma le nofosala i le falepuipui.

56. Faafoga o taaloga-(1) O le kamupani kasino ua laiseneina:

- (a) e tatau ona taulamua ina ia tufaina pelē uma a o faagasolo taaloga i le kasino mai se masini e tufa ai le pelē;

- (b) e lē tatau ona tuuina atu, po o le taulamua po o le faataga ina ia tuuina atu so o se tupe meataalo mo taaloga i le kasino seia vagana ai ua totogi tupe e tusa ai ma le tau o tupe meataalo;
- (c) e lē tatau ona faia se taaloga faatagaina, po o le faataga o se taaloga faatagaina ina ia faia i le kasino vagana ua tusa ai ma -
 - (i) tulafono faafoe faamaonia mo lea taaloga; ma
 - (ii) so o se tapulaa po o tuutuuga ua faamaoti mai i totonu o tulafono faatonutonu ua faia i lalo o le fuaiupu 54 e tusa ai o lea taaloga;
- (d) e lē tatau, e tusa ai ma le faagasologa o se taaloga ua faatagaina, ona faatagaina ni peti e faia i totonu o le kasino i se isi faiga e ese ai, na i lo le faia i tupe meataalo, seia vagana ai ua manaomia e tulafono faafoe ua faamaonia o le taaloga, po o ua aiaia ai mo le tuuina atu o peti i tupe;
- (e) e tatau i peti uma ua manumalo i le faagasologa o se taaloga faatagaina i le kasino ona totogi atoa atu e aunoa ma le toesea o so o se komisi po o lafoga e ese ai na i lo se komisi po o lafoga ua aiaia i tulafono faafoe faamaonia o lea taaloga;
- (f) e tatau, i le taimi e tatalaina ai le kasino i tagata lautele mo taaloga, i se talosaga a se tagata e lagolagoina le kasino ona -
 - (i) faafesui ai tupe meataalo mo isi tupe meataalo; po o
 - (ii) le toe faaola mai o tupe meataalo i tupe o lona tau aogā e tutusa ma le tau aogā o tupe meataalo; ma
- (g) e lē tatau ona manaomia so o se tupe teu, tau faaee atu, komisi po o lafoga (e tuusao pe leai foi ma tusa lava pe talosaga le toe faafoi mai o le tupe pe leai foi) e totogi e se tagata mo le tagata e ulufale ai i le kasino po o, seia vagana ai ua

mafai ona aiaia e tulafono faafoe faamaonia o se taaloga, e auai i taaloga i le kasino.

(2) O kamupani kasino taitasi uma ua laiseneina, ua solia po o ua lē mafai ona tausisia aiaiga o le faafuaiupu (1), e tatau ona nofosala i se soligatulafono, ma e tatau ona noatia i luga o se moliaga ua faamaonia faaetulafono:

- (a) afai o le kamupani kasino ua laiseneina o se faalapotopotoga ua tuufaatasia faaetulafono, i se sala tupe e lē silia le 500 iunite tau faasalaga; po o
- (b) afai o lē e ona le kamupani kasino ua laiseneina o se tagata moni, i se sala tupe e lē silia le 100 iunite tau faasalaga.

57. O nisi tagata e faasaina ona taaalo-(1) E lē tatau i se tagata faatagaina ona taalo i se taaloga i le kasino, seia vagana i le tulaga e faapea e ono talafeagai ona faia faapea:

- (a) i le faatinoga o ana galuega tauave i lalo o lenei Tulafono;
- (b) i le faagasologa o lana galuega; po o
- (c) le faatinoga e tusa ai o lenei Tulafono, o se galuega tauave e avea ai ma sui o le Malo.

(2) E lē tatau i se tagata faigaluega i le kasino ona tauanauina pe talia so o se tupe faameaalofa, tau tau tupe po o isi faamanuiaga mai le tagata e lagolagoina le kasino.

(3) E lē tatau i se kamupani kasino ua laiseneina ona faataga ma lona iloa lelei se tagata e i lalo ifo o le 18 tausaga le matua e taalo i so o se taaloga i totonu o le kasino.

(4) O se tagata e i lalo ifo o le 18 tausaga le matua o ia lea e taalo i se taaloga i le kasino e nofosala i se soligatulafono e ono faasalaina ai i luga o se moliaga ua faamaonia faaetulafono, i se sala tupe e lē silia le 250 iunite tau faasalaga.

(5) So o se tagata faatagaina o ia lea ua solia po o ua lē mafai ona tausisia aiaiga o le faafuaiupu (1), e nofosala i se soligatulafono ma e tatau ona noatia i luga o se moliaga ua faamaonia faaetulafono, i se sala tupe e lē silia le 50 iunite tau faasalaga po o le nofosala i le falepuipui mo se vaitaimi e lē silia le 12 masina po o faasalaga uma e lua o le sala tupe ma le nofosala i le falepuipui.

(6) O kamupani kasino taitasi uma ua laiseneina ua solia po o ua lē mafai ona tausisia le faafuaiupu (3), e nofosala i se soligatulafono, ma e tatau ona noatia i luga o se moliaga ua faamaonia faaetulafono:

- (a) afai o le kamupani kasino ua laiseneina o se faalapotopotoga ua tuufaatasia faaetulafono, i se sala tupe e lē silia le 500 iunite tau faasalaga; po o
- (b) afai o lē e ona le kamupani kasino ua laiseneina o se tagata moni, i se sala tupe e lē silia le 100 iunite tau faasalaga po o le nofosala i le falepuipui mo se vaitaimi e lē silia le lua (2) tausaga po o ia faasalaga uma e lua, o le sala tupe ma le nofosala i le falepuipui.

58. Faiga faaimamago-(1) E lē tatau i se tagata, i totonu o le kasino, ona faia i se tulaga lē faamaoni:

- (a) e ala i togafiti, masini, tomai e faaaogā ai lima po o faamatalaga;
- (b) e ala i se fuafuaga po o se faatinoga;
- (c) e ala i le faaaogāina o meataalo tau taaloga; po o
- (d) e ala i le faaaogāina o se meafaigaluega po o meafaitino o se ituaiga ua faaaogāina e fesootai ma taaloga, po o e foliga mai o se ituaiga ua faaaogāina e fesootai ma taaloga, po o so o se isi lava mea,

ina ia maua mo ia lava po o se isi tagata, po o le faasufiina o se tagata e faaoo atu, tuuina atu, po o le faaaitalafu atu ia te ia po o se isi tagata, so o se tupe, tupe meataalo, faamanuiaga, tulaga tau fesoasoani, totogi talafeagai po o faamalumaluga.

(2) E lē tatau i se tagata ona faaaogāina pe na te umia i totonu o le kasino ni:

- (a) tupe meataalo o lo o iloa e le tagata e lē aogā po o e taufaasese;
- (b) pelē, maa taisi po o tupe siliva o lo o iloa lelei e le tagata ua faailogaina, faamamafaina po o ua faaleagaina; po o

(c) mo faamoemoega o faiga faaimamago po o le faagaoui, o so o se meataalo tau taaloga, masini po o mea ia o lo o mafai ai pe faafaigofie ai le faaimamago po o le gaoui.

(3) E le o faasaina e faafuaiupu (2)(a) ma le (2)(b) le umia o se mea e se tagata o lo o vaavaaia le kasino, se sooupu po o se tagata faigaluega a le kamupani kasino ua laiseneina, se tagata asiasi po o se leoleo pe afai o lea mea na faoa e se isi o ia tagata mai se isi tagata mo le faatamaia pe mo le faaaogāina e avea ma faamatalaga molimau i taualumaga mo so o se soligatulafono.

(4) So o se tagata o ia lea ua solia po o ua lē mafai ona tausisia le faafuaiupu (1) ua nofosala i se soligatulafono ma e tatau ona noatia i luga o se moliaga ua faamaonia faaetulafono i se sala tupe e lē silia le 250 iunite tau faasalaga po o le nofosala i le falepuipui mo se vaitaimi e lē silia le lima (5) tausaga po o ia faasalaga uma e lua o le sala tupe ma le nofosala i le falepuipui.

(5) So o se tagata o ia lea ua solia po o ua lē mafai ona tausisia le faafuaiupu (2) ua nofosala i se soligatulafono, ma e tatau ona noatia i luga o se moliaga ua faamaonia faaetulafono, i se sala tupe e lē silia le 120 iunite tau faasalaga po o le nofosala i le falepuipui mo se vaitaimi e lē silia le lua (2) tausaga, po o ia faasalaga uma e lua, o le sala tupe ma le nofosala i le falepuipui.

59. Faiga faagaoui-(1) E lē tatau i se tagata ona:

(a) faagaoui po o le faia taufaasese o tupe meataalo, se laisene po o se ituaiga o pepa e faailoagofie ai, mo faamoemoega o leni Tulafono; po o

(b) le faailoaina ma le iloa o tupe meataalo taufaasese po o le faailoaina ma le iloa o laisene faagaoui po o laisene taufaasese po o sea ituaiga o mea e iloagofie ai.

(2) So o se tagata o ia lea ua ia solia po o ua lē mafai ona tausisia le faafuaiupu (1) e nofosala i se soligatulafono ma e tatau ona noatia i luga o se moliaga ua faamaonia faaetulafono i se sala tupe e lē silia le 250 iunite tau faasalaga po o le nofosala

i le falepuipui mo se vaiiami e lē silia le lima (5) tausaga po o ia faasalaga uma e lua, o le sala tupe ma le nofosala i le falepuipui.

60. Faatapulaaina o aitalafu-(1) E lē tatau i le kamupani kasino ua laiseneina e tusa ai ma taaloga i le kasino ona:

- (a) faaopoopo aitalafu i so o se faiga i so o se tagata;
- (b) talia se peti faaaitalafu mai so o se tagata;
- (c) tuuina atu tinoitupe po o tupe meataalo i so o se tagata i se lautusi siaki e le i faaaogāina;
- (d) faia se faaunegatupe i so o se tagata;
- (e) tuuina atu tinoitupe po o tupe meataalo i so o se tagata e tusa ai o feuiaiga faapisinisi o pepa tala tupe faaaitalafu po o pepa tala tupe e totogi ai aitalafu; po o
- (f) le faamatuu atu atoa po o se vaega po o le totogi atoa o se aitalafu e aunoa ma le faamaoniga a le Pulega.

(2) So o se kasino ua ia solia po o ua lē mafai ona tausisia aiaiga o le faafuaiupu (1) ua nofosala i se soligatulafono ma e tatau ona noatia i luga o se moliaga ua faamaonia faaetulafono:

- (a) afai o lē e ona le kamupani kasino ua laiseneina o se faalapotopotoga ua tuufaatasia faaetulafono, i se sala tupe e lē silia le 500 iunite tau faasalaga; po o
- (b) afai o lē e ona le kamupani kasino ua laiseneina o se tagata moni, i se sala tupe e lē silia le 100 iunite tau faasalaga po o le nofosala i le falepuipui mo se vaiiami e lē silia le lua (2) tausaga po o ia faasalaga uma e lua, o le sala tupe ma le nofosala i le falepuipui.

61. Siaki tupe-(1) E lē tatau i se kamupani kasino ua laiseneina ona talia se siaki tupe e ese ai na i lo se siaki tupe o se ituaiga, ma i se isi faiga e ese ai, e tusa ai ma taualumaga ua faamaoti mai i tulafono faatonutonu.

(2) E tatau i le kamupani kasino ua laiseneina e faasino i se siaki tupe sa taliaina e le tagata e umia le laisene, lea e le i faaolaina mai i lalo o le fuaiupu **63**, ona tuuina atu le siaki tupe

mo le tologiina i totonu o sea vaitaimi e pei ona faamaoti mai mo faamoemoega o lenei fuaiupu e le Minisita, e ala i se faasilasilaga ua lomua faasalalau i totonu o le Kaseti.

(3) E lē tatau i le kamupani kasino ua laiseneina ona ia taliaina po o le talaina se siaki tupe ona o se talosaga a so o se tagata, pe afai o so o se siaki tupe sa maua talu ai e le kamupani kasino ua laiseneina mai lea tagata ua faalēaogāina ma o lea aitalafu ua faapea ona faatupulaia ua lē mafai ona tologiina.

(4) E lē tatau ona i ai se mea i totonu o lenei fuaiupu e manaomia ai le talaina o se siaki tupe e le kamupani kasino ua laiseneina i luga o se talosaga a so o se tagata.

(5) O kamupani kasino taitasi uma ua laiseneina, ua solia po o ua lē mafai ona tausisia:

(a) faafuaiupu (1) po o le (2) ua nofosala i se soligatulafono ma e tatau ona noatia i luga o se moliaga ua faamaonia faaetulafono -

(i) afai o lē e ona le kamupani kasino ua laiseneina o se faalapotopotoga ua tuufaatasia faaetulafono, i se sala tupe e lē silia le 125 iunite tau faasalaga; po o

(ii) afai o lē e ona le kamupani kasino ua laiseneina o se tagata moni, i se sala tupe e lē silia le 25 iunite tau faasalaga; po o

(b) le faafuaiupu (3) ua nofosala i se soligatulafono ma e tatau ona noatia i luga o se moliaga ua faamaonia faaetulafono -

(i) afai o lē e ona le kamupani kasino ua laiseneina o se faalapotopotoga ua tuufaatasia faaetulafono, i se sala tupe e lē silia le 250 iunite tau faasalaga; po o

(ii) afai o lē e ona le kamupani kasino ua laiseneina o se tagata moni, i se sala tupe e lē silia le 50 iunite tau faasalaga po o le nofosala i le falepuipui mo se vaitaimi e lē silia le 12 masina po o faasalaga uma ia e lua, o le sala tupe ma le nofosala i le falepuipui.

62. Teugatupe o tupe teu-(1) E mafai e le kamupani kasino ua laiseneina ona faavaeina se teugatupe o tupe teu mo se tagata moni.

(2) E mafai e le kamupani kasino ua laiseneina ona tuuina atu i se tagata, o ia lea ua faavaeina se teugatupe o tupe teu:

(a) tupe meataalo;

(b) tupe; po o

(c) se siaki tupe,

e lē silia le tau aogā atoa o le aofai o le tupe faaaitalafu o le teugatupe i le taimi na tuuina atu ai tupe meataalo, tupe po o siaki tupe.

(3) E tatau i le kamupani kasino ua laiseneina ona teuina i le teugatupe o tupe teu a se tagata:

(a) le aofaiga o so o se tupe po o siaki tupe ua teuina i le kamupani kasino ua laiseneina mo le faamoemoe o le tagata; ma

(b) le aofaiga o so o se tupe ua faaliliu sao atu e le tagata i lea teugatupe, mai se teugatupe o lo o faagaoioia e le tagata i se faalapotopotoga tau tupe.

(4) E tatau i le kamupani kasino ua laiseneina ona aveese mai le teugatupe o tupe teu a se tagata:

(a) se aofaiga o tupe e tutusa ma -

(i) le tau aogā o tupe meataalo;

(ii) le aofaiga o tupe; po o

(iii) le aofaiga o se siaki tupe,

ua tuuina atu i le tagata i lalo o le faafuaiupu (2); ma

(b) le aofaiga o so o se tupe ua faaliliu sao atu e le tagata mai lea teugatupe i se teugatupe o lo o faagaoioia e le tagata i se faalapotopotoga tau tupe.

(5) E lē tatau i le kamupani kasino ua laiseneina ona teu se aofaiga o tupe i le teugatupe o tupe teu a se tagata, po o le aveese mai i le teugatupe o tupe teu a se tagata se aofaiga o tupe, e ese mai na i lo le aofaiga e tusa ai ma lenei fuaiupu.

63. Toe faaolaina mai o siaki tupe - E mafai e se tagata faatasi ai ma le maliega a le kamupani kasino ua laiseneina ona toe faaola mai so o se siaki tupe sa taliaina mai le tagata, e le kamupani kasino ua laiseneina i so o se taimi a o lumanai ai le

tuuina atu po o le faamutaina o le vaitaimi ua faamaoti mai mo le tuuina atu o le siaki tupe mo le totogiina i lalo o le fuaiupu 61(2), e ala i le tuuina atu i le laulau tala tupe a le kasino:

- (a) se aofaiga o tupe e tutusa ma;
- (b) tupe meataalo o lona tau aogā e tutusa ma; po o
- (c) afai e sili atu i le tasi (1) le siaki tupe ua toe faaola mai, o se siaki tupe ua faamautuina i se aofaiga e tutusa ma,

le aofai o le siaki tupe, po o le tuufaatasiga o le aofai o siaki tupe e ao ona toe faaola mai.

64. Taualumaga ma isi tulaga faapena e faasino i taaloga-(1) E ese mai i so o se isi lava tulafono a Samoa, o se tagi e ala i moliaga e faia e le kamupani kasino ua laiseneina e toe faaola mai le aofaiga o tupe o se siaki tupe na talaina e tusa ai o se aitalafu ua faatupulaia tau taaloga i le kasino ma e mulimuli ane e lē aloaia.

(2) E lē tatau i le kamupani kasino ua laiseneina ona faaliliu atu i isi vaega aia tatau atoa po o so o se vaega o so o se aia tatau ua tulai mai i se aitalafu ua faatupulaia tau taaloga i totonu o le kasino e se tagata, o se aitalafu ua faatupulaia e ala i le mafuaaga o le lē aloaia o se siaki tupe na talaina e le tagata mulimuli ua taua, ma ua taliaina e le kamupani kasino ua laiseneina.

(3) O se tagi e faasaga i le kamupani kasino ua laiseneina ina ia faaola mai:

- (a) le tupe na malo ai i taaloga i le kasino; po o
- (b) le aofaiga o se siaki tupe na tuuina atu e le kamupani kasino ua laiseneina e totogi ai tupe sa faapea ona malo ai ae mulimuli ane ua lē aloaia.

(4) So o se tagata o ia lea ua solia po o ua lē mafai ona tausisia le faafuuiupu (2) ua nofosala i se soligatulafono ma e tatau ona noatia i luga o se moliaga ua faamaonia faaetulafono:

- (a) afai o lē ua solitulafono o se faalapotopotoga ua tuufaatasia faaetulafono, i se sala tupe e lē silia le 125 iunite tau faasalaga; po o
- (b) afai o lē ua solitulafono o se tagata moni, i se sala tupe e lē silia le 25 iunite tau faasalaga po o le nofosala i le falepuipui mo se vaitaimi e lē silia

le ono (6) masina, po o ia faasalaga uma e lua o le sala tupe ma le nofosala i le falepuipui.

Vaevaega 7 - Suesuega, Ulufale ma le Faoa Faamalosia

65. Faamatalaina o uiga o upu-(1) I totonu o leni Vaevaega, ae vagana ai ua faaalua i se isi faamoemoe e ese ai:

“soligatulafono” o lona uiga o so o se amioga (tusa lava pe aofia ai se gaoioiga ua faia pe leai foi) ua faia lea e aofia ai, po o lea ua talitonuina i luga o mafuaaga talafeagai ua aofia ai:

(a) se soligatulafono ua faia faasaga i leni Tulafono; po o

(b) se soligatulafono lea ua avea e faapea e fesootai i se soligatulafono ua faia faasaga i leni Tulafono.

(2) Mo faamoemoega o leni Vaevaega, e fesootai se soligatulafono faapitoa i se mea pe afai:

(a) o se mea e tusa ai ma le soligatulafono ua faia;

(b) o le a tuuina atu ai faamatalaga molimau o le faiga o le soligatulafono; po o

(c) sa faaaogāina, po o o lo o faaaogāina pe sa faamoemoe e faaaogā, mo le faamoemoe o le faiga o le soligatulafono.

66. Malosiaga o tagata ofisa i totonu o kasino-(1) E mafai e se tagata ofisa ona:

(a) ulufale atu i so o se fale ma nofoaga; ma

(b) suesue fale ma nofoaga mo, ma faoa faamalosia so o se mea e talitonu le tagata ofisa i luga o mafuaaga talafeagai e fesootai atu i se soligatulafono,

pe afai o le ulufale atu, suesue po o le faoa faamalosia, po o fea lava o ia mea e manaomia, ua faia:

(c) ina ia tusa ai ma se tusi poloaiga ua tuuina atu i lalo o le fuaiupu 69(2);

(d) faatasi ai ma le maliega a le tagata o lo o nofoia fale ma nofoaga; po o

(e) e tusa ai ma se poloaiga a se faamasinoga.

(2) E mafai e se tagata ofisa ona:

- (a) suesue se tagata mo so o se mea e fesootai ma se soligatulafono; ma
 - (b) faoa faamalosi so o se mea ua maua a o faagasolo le suesuega lea e talitonu le tagata ofisa i luga o mafuaaga talafeagai e fesootai ma se soligatulafono,
- pe afai o le suesuega po o le faoa faamalosi, po o fea lava o ia mea e manaomia, ua faia -
- (c) ina ia tusa ai ma se tusi poloaiga ua tuuina atu i lalo o le fuaiupu 69(4);
 - (d) faatasi ai ma le maliega a le tagata; po o
 - (e) e tusa ai ma se poloaiga a se faamasinoga.

67. Faoa faamalosi o mea e le o taua maoti mai i totonu o le tusi poloaiga - Afai, a o faagasolo le suesuega i lalo o se tusi poloaiga ua tuuina atu i lalo o le fuaiupu 69 mo mea e fesootai ma se soligatulafono faapitoa, ae maua e se tagata ofisa se mea e talitonu o ia i luga o mafuaaga talafeagai e:

- (a) fesootai ma lea soligatulafono, e ui lava e le o se ituaiga ua faamaoti mai i le tusi poloaiga; po o
 - (b) e fesootai ma se isi soligatulafono,
- e mafai e le tagata ofisa ona faoa faamalosi lea mea pe afai e talitonu o ia i luga o mafuaaga talafeagai e faapea, e talafeagai ona faatino le faoa faamalosi ina ia puipuia ai le mea mai le:
- (c) nanaina, leiloa po o le faaleagaina;
 - (d) faatau atu po o ua lafoaia i se isi faiga e ese ai; po o
 - (e) ua faaaogāina e fesootai ma se soligatulafono po o taaloga i le kasino.

68. Maliega e faatatau i suesuega-(1) I le lumanai ai o le suesuega o le maliega a se tagata mo faamoemoega o le fuaiupu 66(1)(d) po o le (2)(d), e tatau i le tagata ofisa ona logoina le tagata e faapea e mafai e le tagata ona teena le tuuina atu o lea maliega.

(2) Afai ua maua mai e le tagata ofisa le maliega a le tagata mo ia faamoemoega, e tatau i le tagata ofisa ona fesiligia le tagata ina ia sainia se faamaoniga tusitusia aloaia:

- (a) pe afai e faaaogāina le fuaiupu 66(1)(d) - e faapea ua tuuina atu e le tagata i le tagata ofisa le maliega, mo faamoemoega o lea parakalafa, e ulufale ai i nofoaga ma fale lea e nofoia e le tagata, ma faatino ai malosiaga o se tagata ofisa ua faasinomia i le fuaiupu 66(1)(b);
- (b) pe afai e faaaogāina le fuaiupu 66(2)(d) - e faapea ua tuuina atu e le tagata lana maliega i le tagata ofisa mo faamoemoega o lea parakalafa, e suesueina le tagata ma faatino malosiaga o se tagata ofisa ua faasinomia i le fuaiupu 66(2)(b);
- (c) sa logoina le tagata e faapea e ono mafai ona ia teena le tuuina atu o lea maliega; ma
- (d) le aso ma le taimi lea na tuuina atu ai le maliega.

(3) Afai e taua i so o se tualumaga mo se faamasinoga ina ia faamalieina e faapea ua tuuina atu le maliega a se tagata mo faamoemoega o le fuaiupu 66(1)(d), po o le (2)(d), ma se faamaoniga aloaia ina ia tusa ai ma le faafuaiupu (2), ma sainia e le tagata ae le o faaooina atu e avea ma faamatalaga molimau, e tatau ona avea e faapea, e le i tuuina atu e le tagata lana maliega, seia vagana ai ua faamautuina i se isi faiga e ese ai.

69. Tusi poloaiga o suesuega-(1) Afai ua masalomia e se tagata ofisa i luga o mafuaaga talafeagai e faapea e ono mafai, po o le faapea, i totonu o le 72 itula o lumanai ai, e ono mafai, i totonu po o so o se nofoaga ma fale, o lo o i ai se mea o se ituaiga faapitoa e fesootai ma se soligatulafono faapitoa, e mafai e le tagata ofisa ona -

(i) faataatia i luma o le Faamasino po o le Resitara so o se faamatalaga tauto e faatulaga atu ai nei mafuaaga; ma

(ii) talosaga mo le tuuina atu o se tusi poloaiga e sueina ai nofoaga ma fale mo ia ituaiga mea.

(2) Afai ua faia se talosaga i lalo o le faafuaiupu (1) mo se tusi poloaiga e suesueina ai nofoaga ma fale, e mafai e le Faamasinoga po o le Resitara, i le noatia ma le fai fuafua i le faafuaiupu (5), ona tuuina atu se tusi poloaiga e faatagaina ai se tagata ofisa ua taua lona igoa i le tusi poloaiga, faatasi ai ma sea fesoasoani ma e ala i sea malosi e pei ona talafeagai ma fetau:

(a) e ulufale atu ai i fale ma nofoaga;

(b) e faoa faamalosi so o se mea ua maua a o faagasolo le suesuega lea e talitonu le tagata ofisa i luga o mafuaaga talafeagai, o se mea o lea ituaiga e faatatau i lea soligatulafono.

(3) Afai e masalosalo se tagata ofisa i luga o mafuaaga talafeagai e faapea e ono mafai ona i ai se mea o se ituaiga faapitoa e fesootai ma se soligatulafono faapitoa:

(a) i se tagata;

(b) i totonu o lavalava na ofuina e se tagata; po o

(c) o lo o faafoeina e se tagata i lea taimi i se isi faiga e ese ai,

e mafai e le tagata ofisa ona:

(d) faataatia i luma o le Faamasino po o le Resitara so o se faamatalaga tauto e faatulaga atu ai nei mafuaaga; ma

(e) talosaga mo le tuuina atu o se tusi poloaiga e suesueina ai le tagata mo ia ituaiga mea.

(4) Afai ua faia se talosaga i lalo o le faafuaiupu (3) mo se tusi poloaiga e suesueina ai se tagata, e mafai e le Faamasino po o le Resitara, i le noatia ma le fai fuafua i le faafuaiupu (5), ona tuuina atu se tusi poloaiga e faataga ai se tagata ofisa ua taua i totonu o le tusi poloaiga, faatasi ai ma ia fesoasoani ma sea malosi e pei ona talafeagai ma tata ai:

(a) ia suesueina le tagata mo mea o le ituaiga ua faamaoti mai i le tusi poloaiga; ma

(b) ia faoa faamalosi so o se mea ua maua a o faagasolo le suesuega, lea ua talitonu le tagata ofisa i luga o mafuaaga talafeagai, o se mea o lea ituaiga e fesootai ma lea soligatulafono e faatatau i ai.

(5) E lē tatau i se Faamasino po o le Resitara ona tuuina atu se tusi poloaiga i lalo o lenei fuaiupu seia vagana ai:

- (a) na tuuina atu e le tagata na logoina le faamatalaga po o se isi tagata i le Faamasino po o le Resitara, e ala i le tuufofoga po o e ala i se faamatalaga tauto, so o se isi faamatalaga ua manaomia e le Faamasino po o le Resitara, e faataau i mafuaaga ia na tuuina atu ai le tusi poloaiga; ma
- (b) ua faamalieina le Faamasino po o le Resitara e faapea o lo o i ai mafuaaga talafeagai mo le tuuina atu o le tusi poloaiga.

(6) E tatau i se tusi poloaiga ona:

- (a) taua ai le faamoemoe lea na tuuina atu ai le tusi poloaiga;
- (b) faamaoti le uiga moni o le soligatulafono e faataau i ai;
- (c) faamaoti itula faapitoa ia ua faatagaina mo le ulufale atu, po o e taua ai e faapea ua faatagaina le ulufale atu i so o se taimi o le aso po o le po;
- (d) aofia ai se faamatalaga o ituaiga o mea e faasino i ai malosiaga ia e mafai ona faatino i lalo o le tusi poloaiga; ma
- (e) faamaoti le aso, o se aso e le i lalo ifo o le masina e tasi (1) i le maea ai o le aso na tuuina atu ai le tusi poloaiga, lea ua muta lona aloaia.

70. Ulufale o leoleo-(1) E mafai e se leoleo:

- (a) o ia lea e, po o e i luga atu, o le tulaga o le satini;
- (b) o ia lea ua faatagaina mo le faamoemoe e se leoleo e, po o e i luga atu le tulaga o le satini; po o
- (c) o ia lea ua talosagaina e se alii asiasi ina ia faapea ona faia,

ona ulufale atu i so o se taimi, ma i ai i totonu o so o se vaega o le kasino.

(2) E lē tatau ona avea le faafuiauupu (1) ma mea e aafia ai le malosiaga o se leoleo i lalo o so o se isi tulafono a Samoa e ulufale ai, ma i ai i totonu o le kasino.

71. Malosiaga faapitoa o tagata ofisa ma leoleo-(1) Afai e ulufale se tagata ofisa i le kasino i lalo o le fuaiupu 22(3), e mafai e le tagata ofisa ona suesueina le kasino mo, ma faoa faamalosi, so o se mea ua masalomia e le tagata ofisa i luga o mafuaaga talafeagai o le a fesootai ma se soligatulafono.

(2) Afai:

(a) e ulufale se tagata ofisa i le kasino i lalo o le fuaiupu 22(3); ma

(b) ua masalomia e le tagata ofisa, i luga o mafuaaga talafeagai, e faapea o se mea faapitoa e fesootai ma se soligatulafono faapitoa,

e mafai e le tagata ofisa ona suesueina se tagata mo le mea ma, pe afai ua maua le mea a o faagasolo le suesuega, ia faoa faamalosi loa lea mea.

(3) Afai e masalomia e se leoleo, i luga o mafuaaga talafeagai, e faapea e fesootai se mea faapitoa ma se soligatulafono faapitoa, e mafai e le leoleo ona suesueina se tagata, po o le ulufale i nofoaga ma fale ma sueina, mo le mea, ma pe afai e maua le mea a o faagasolo le suesuega, ia faoa faamalosi loa lea mea.

(4) E lē tatau i se tagata ofisa po o se leoleo ona faatinoina se malosiaga i lalo o leni fuaiupu e tusa ai o se mea, seia vagana ai:

(a) o le tagata ofisa po o le leoleo, po o le a lava le tulaga o manaomia ai, ua talitonu, i luga o mafuaaga talafeagai, e faapea ua talafeagai ona faatino le malosiaga ina ia mafai ai ona taofia le nanaina, leiloa po o le faatamaia o le mea; ma

(b) e matuia tele ma faanatinati tulaga ua aliae mai, lea e manaomia ai le faatino vave loa o le malosiaga e aunoa ma le pule faataga a se poloaiga a se faamasinoga po o se tusi poloaiga ua tuuina atu i lalo o leni Tulafono po o so o se isi lava tulafono o lo o faamamaluina.

(5) Pe afai, i le faagasologa o le suesuega, e tusa ai ma leni fuaiupu, mo se mea e fesootai ma se soligatulafono faapitoa, ua maua e se tagata ofisa po o se leoleo:

(a) se mea ua talitonu le tagata ofisa po o se leoleo, i luga o mafuaaga talafeagai, ua avea ma mea ua fesootai ma se isi soligatulafono; po o

(b) so o se mea ua talitonu le tagata ofisa po o le leoleo, i luga o mafuaaga talafeagai, o le a mafai ona avea ma faamatalaga molimau i le faia o se soligatulafono,

ma o le tagata ofisa po o le leoleo, i le a lava le tulaga o manaomia ai, ua talitonu, i luga o mafuaaga talafeagai, e faapea ua talafeagai ona faoa faamalosi lena mea ina ia mafai ai ona taofia lona nanaina, leiloa po o le faatamaiaina, po o lona faaaogāina i le faia, faauauina po o le toe faia o le soligatulafono po o le isi soligatulafono, o le tagata ofisa po o le leoleo, po o le a lava le tulaga o manaomia ai, e mafai ona ia faoa faamalosi le mea.

72. Tapulaa e aafia ai suesuega o tagata-(1) Afai o se tagata ofisa po o le leoleo e mafai ona suesueina se tagata i lalo o lenei Vaevaega, e mafai foi e le tagata ofisa po o le leoleo, i le a lava le tulaga o manaomia ai, ona suesueina:

(a) le laei o lo o ofuina e le tagata; ma

(b) so o se meatotino i totonu, po o o lo o mautinoa, o lo o i ai lava lea i le vaaiga a le tagata i le taimi nei.

(2) I le faafoeina o se suesuega o se tagata i lalo o lenei Vaevaega, e lē tatau i se tagata ofisa po o se leoleo, ona faaaogā nisi malosiaga e sili atu, po o le tuuina atu o se tagata i se tulaga aupito sili ona faalumaina ai, na i lo le tulaga talafeagai ma le tatau ina ia mafai ai ona faafoe le suesuega.

(3) E lē tatau ona sueina se tagata i lalo o le Vaevaega, seia vagana ai ua faia e se tagata e kenera tutusa.

(4) E lē tatau ona i ai se mea i totonu o lenei Vaevaega e faatagaina ai se tagata e tauaveina se suesuega e ala i se suesuega o se itutino o se tagata.

73. Lafoaia o meataalo ma isi mea faapena, ina ua maea ona faoa faamalosi-(1) Afai o se mea, e ese mai ai na i lo se mea faasolitulafono, ua faoa faamalosi i lalo o fuaiupu 66, 67 po o le 71:

- (a) afai e le o moliaina se tagata, i totonu o se vaitaimi e 60 aso i le tuanai ai ona faoa faamalosi, faatasi ai ma se soligatulafono e faasaga i lenei Tulafono e faasino i lena mea, po o, ua maea ona molia i sea soligatulafono, ua lē faamaonia faaletulafono le soligatulafono - e tatau i le Pulega ona fuafua mo le toe faafoiina atu o le mea i le tagata o ia lea na faoa faamalosi mai ai le mea, po o i le tagata o nofoia, po o o lo o vaaia, nofoaga ma fale talafeagai, po o le a lava le tulaga o manaomia ai; po o
- (b) afai ua faamaonia faaletulafono se tagata i se soligatulafono ua faasinomia i totonu o le parakalafa (a), e le o se soligatulafono ua aloaia i totonu o se pulega faa-faamasinoga, e mafai e le faamasinoga ona poloaiina -
- (i) ina ia toe faafoi le mea i le tagata o ia lea sa faoa faamalosi mai ai po o i le tagata o nofoia, po o o lo o vaavaaia, o nofoaga ma fale talafeagai, po o le a lava le tulaga o manaomia ai; po o
- (ii) e tatau ona toe faafoi atu le mea i le Malo.
- (2) Afai ua faoa faamalosi se mea faasolitulafono i lalo o fuaiupu 66, 67 po o le 71, ia toe faafoi atu le mea i le Malo.
- (3) I totonu o lenei fuaiupu:
“mea faasolitulafono” o lona uiga:
- (a) o se tupe meataalo e lē moni po o se tupe meataalo tufaasese;
- (b) o se pepa pelē ua uma ona faailogaina po o ua suia i se isi faiga e ese ai;
- (c) se maa taisi ua uma ona faailogaina, faaopoopoina le mamafa, po o ua suia i se isi faiga e ese ai; po o
- (d) so o se isi lava masini po o se mea e alafia ai pe faafaigofie ai le faaimamago.

74. Taofia o se tagata ua masalomia-(1) Afai:

- (a) o le tagata o lo o pulea le kasino i le taimi nei;
 - (b) o se sooupu po o se tagata faigaluega a le kamupani kasino ua laiseneina; po o
 - (c) se tagata ofisa,
- ua masalomia i luga o mafuaaga talafeagai e faapea, o se tagata i totonu o le kasino ua na solia, po o ua taumafai e solia, se aiaiga o lenei Tulafono, o le tagata o lo o pulea, sooupu, tagata faigaluega po o se tagata ofisa, e mafai ona ia taofia le tagata ua masalomia i totonu o se nofoaga talafeagai i le kasino seia taunuu atu se leoleo i le nofoaga o taofia ai.

(2) E lē mafai ona taofia se tagata i lalo o lenei fuaiupu seia vagana ai:

- (a) ua leai se isi malosiaga e faaaogā na i lo tulaga aliae mai talafeagai ma le tatau ai;
- (b) o le tagata ua taofia ua logoina o ia i mafuaaga mo le taofiga; ma
- (c) o le tagata o faatinoina le taofiga ia vave loa ona logoina se leoleo i le taofiga ma mafuaaga o le taofiga.

Vaevaega 8 - Soligatulafono

75. Faalavelaveina o le tagata ofisa - So o se tagata o ia lea ua faalavelave, taofiofia, taufaamatau pe faamatauina ma le loto i ai se tagata ofisa i le faataunuuina o malosiaga o le tagata ofisa, po o le faatinoga o galuega tauave a le tagata ofisa i lalo o lenei Tulafono, ua nofosala i se soligatulafono ma e tatau ona noatia i luga o se moliaga ua faamaonia faaletulafono i se sala tupe e lē silia le 25 iunite tau faasalaga po o le nofosala i le falepuipei mo se vaitaimi e lē silia le ono (6) masina po o ia faasalaga uma e lua.

76. Tausisia o manaoga o le tagata ofisa - So o se tagata o ia lea, e aunoa ma se faatagaga talafeagai ua teena pe ua lē mafai ona tausisia se manaoga ua faia e le tagata, po o faatonuga ua tuuina atu i le tagata e se tagata ofisa i le faataunuuina o malosiaga o le tagata ofisa, po o le faatinoga o galuega tauave a le tagata ofisa i lalo o lenei Tulafono, ua

nofosala i se soligatulafono ma e tatau ona noatia i luga o se moliaga ua faamaonia faaletulafono i se sala tupe e lē silia le 25 iunite tau faasalaga po o le nofosala i le falepuipui mo se vaitaimi e lē silia le ono (6) masina po o ia faasalaga uma e lua.

77. Faamatalaga sese - So o se tagata o ia lea, ua faatatau i ai so o se mataupu ua faatulai mai i lalo o lenei Tulafono, ua iloa ma le mautinoa po o ua faatamala i le:

- (a) tuuina atu o faamatalaga e sese pe taufaasese i se faamatalaga auiliili faapitoa e faia; po o
 - (b) le faia o se mea na lē faia e matuia mai faamatalaga na tuuina mai i le faamoemoe ia tausisia faatasi ai ma se manaoga i lalo o lenei Tulafono,
- ua nofosala i se soligatulafono ma e tatau ona noatia i luga o se moliaga ua faamaonia faaletulafono -

(i) afai o lē ua solitulafono o se faalapotopotoga ua tuufaatasia faaletulafono, i se sala tupe e lē silia le 250 iunite tau faasalaga; po o

(ii) afai o lē ua solitulafono, o se tagata moni, i se sala tupe e lē silia le 50 iunite tau faasalaga po o le nofosala i le falepuipui mo se vaitaimi e lē silia le 12 masina po o ia faasalaga uma e lua.

78. Avea ma sui taufaasese - So o se tagata o ia lea:

- (a) ua faafoliga i le tagata o umia se laisene po o se pepa faatumu o faailoga e iloagofie ai ua faaaogāina mo faamoemoega o lenei Tulafono; po o
 - (b) ua fai ma sui taufaasese o ia lava e avea o se tagata ofisa po o se isi lava tagata faatagaina,
- ua nofosala i se soligatulafono ma e tatau ona noatia i luga o se moliaga ua faamaonia faaletulafono i se sala tupe e lē silia le 50 iunite tau faasalaga po o le nofosala i le falepuipui mo se vaitaimi e lē silia le 12 masina po o ia faasalaga uma e lua.

79. O le lē mafai ona tuuina atu o faamatalaga - So o se tagata o ia lea, e aunoa ma se faatagaga talafeagai, ua lē mafai ona tuuina atu faamatalaga po o se pepa aloaia lea o lo o

manaomia ai le tagata i lalo o lenei Tulafono ina ia tuuina atu, ua nofosala i se soligatulafono ma e tataua ona noatia i luga o se moliaga ua faamaonia faaetulafono:

- (a) afai o lē ua solitulafono o se faalapotopotoga ua tuufaatasia faaetulafono, i se sala tupe e lē silia le 250 iunite tau faasalaga; po o
- (b) afai o lē ua solitulafono o se tagata moni, i se sala tupe e lē silia le 50 iunite tau faasalaga po o le nofosala i le falepuipui mo se vaitaimi e lē silia le 12 masina po o ia faasalaga uma e lua.

80. Aia feteenai-(1) E lē tataua i se tagata ofisa aloaia i le iloa ma le mautinoa po o le faatamala:

- (a) ona i ai, i se faiga tuusao pe leai foi -
 - (i) so o se fesootaiga faapisinisi pe faaletupe ma; po o
 - (ii) so o se aia faapisinisi pe faaletupe i so o se mataupu e fesootai ma,

se kamupani kasino ua laiseneina; po o

- (b) ia faafaigaluega, i so o se tulaga, e se kamupani kasino ua laiseneina.

(2) Afai e faamutaina le avea ma tagata ofisa aloaia o se tagata, e lē tataua i le tagata i le iloa mautinoa po o le faatamala ona tauanau pe taliaina se galuega mai, po o le i ai o so o se fesootaiga faapisinisi pe faaletupe ma, se kamupani kasino ua laiseneina i totonu o le vaitaimi e tasi (1) le tausaga i le tuana'i ai ona faapea ona faamutaina e avea o se tagata ofisa aloaia.

(3) E lē tataua i se kamupani kasino ua laiseneina, i le iloa mautinoa po o le faatamala:

- (a) ona i ai, i se faiga tuusao pe leai foi -
 - (i) so o se fesootaiga faapisinisi pe faaletupe ma; po o
 - (ii) so o se aia faapisinisi pe faaletupe i totonu o so o se mataupu e fesootai ma,

se tagata ofisa aloaia; po o

- (b) ua faafaigaluega i so o se tulaga e avea ma tagata ofisa aloaia.

(4) Afai ua faamutaina le avea o se tagata ma tagata ofisa aloaia, e lē tatau i se kamupani kasino ua laiseneina, i le iloa mautinoa po o le faatamala ona faafaigaluega i so o se tulaga, po o le i ai o so o se fesootaiga faapisinisi pe faaletupe ma le tagata i totonu o le vaitaimi e tasi (1) le tausaga, i le tuanai ai ona faamutaina le avea ma tagata ofisa aloaia o le tagata.

(5) O se tagata ofisa aloaia o ia lea ua iloa mautinoa le i ai, i se faiga tuusao pe leai foi:

(a) o so o se fesootaiga faapisinisi pe faaletupe ma; po o

(b) so o se aia faapisinisi pe faaletupe i so o se mataupu e fesootai ma,

se tagata o ia lea o le tagata talosaga mo se laisene a le tagata faigaluega a le kasino, e tatau, i le a lava le tulaga e mafai ai ona vave faatino, ona faailoa atu i le Pulega i se faiga tusitusia, le fesootaiga po o le aia.

(6) So o se tagata o ia lea ua solia po o ua lē mafai ona tausisia:

(a) faafuaiupu (1) po o le (2), e tatau ona nofosala i se soligatulafono ma e tatau ona noatia i luga o se moliaga ua faamaonia faaetulafono, i se sala tupe e lē silia le 50 iunite tau faasalaga po o le nofosala i le falepuipui mo se vaitaimi e lē silia le 12 masina po o ia faasalaga uma e lua;

(b) faafuaiupu (3) po o le (4) e tatau ona nofosala i se soligatulafono ma e tatau ona noatia i luga o se moliaga ua faamaonia faaetulafono -

(i) afai o lē ua solitulafono o se faalapotopotoga ua tuufaatasia faaetulafono, i se sala tupe e lē silia le 500 iunite tau faasalaga; po o

(ii) afai o lē ua solitulafono o se tagata moni, i se sala tupe e lē silia le 100 iunite tau faasalaga po o le nofosala i le falepuipui mo se vaitaimi e lē silia le lua (2) tausaga po o ia faasalaga uma e lua;

- (c) le faafuaiupu (5), e tatau ona nofosala i se soligatulafono ma e tatau ona noatia i luga o se moliaga ua faamaonia faaetulafono i se sala tupe e lē silia le 125 iunite tau faasalaga po o le nofosala i le falepuipui mo se vaitaimi e lē silia le ono (6) masina po o ia faasalaga uma e lua.

(7) I totonu o lenei fuaiupu “tagata ofisa aloaia” o lona uiga o se tagata ua faatagaina, e ese mai i se tagata faigaluega a le kasino.

81. Faaoloataua-(1) E lē tatau i se tagata faatagaina ona:

- (a) fesili mo, talia, maua po o le malie e talia pe maua so o se tupe, meatotino po o faamanuiaga o so o se ituaiga mo ia lava po o mo se isi tagata -

(i) ina ia lē faia pe faatalale i ona tiute tauave po o le faatosina o ia i le faatinoga o ana galuega tauave i lalo o lenei Tulafono; po o

(ii) i luga o so o se mea ua uma ona faia pe ua lē faia, e ia i le faatinoga o na galuega tauave; po o

(iii) le faaaogā, le avea o lona tulaga o ia o le tagata faatagaina ina ia mafai ai ona maua i se tulaga lē aloaia se faamanuiaga po o le mauagofie ai mo, po o le faafaigofie ai le faia o se soligatulafono e se isi tagata.

(2) So o se tagata o ia lea ua na solia pe ua lē mafai ona tausisia le faafuaiupu (1) e tatau ona nofosala i se soligatulafono ma e tatau ona noatia i luga o se moliaga ua faamaonia faaetulafono i se sala tupe e lē silia le 125 iunite tau faasalaga po o le nofosala i le falepuipui mo se vaitaimi e lē silia le lua (2) tausaga po o ia faasalaga uma e lua.

(3) O se tagata o ia lea e tuuina atu i, faaee atu i luga o, pe maua mai mo, se tagata ua faatagaina, po o so o se isi lava tagata, so o se tupe, meatotino po o faamanuiaga o so o se ituaiga:

- (a) ina ia faatosina i le tagata faatagaina e lē faia pe faatalale, po o i le faatinoga o ana galuega tauave i lalo o lenei Tulafono;
- (b) i luga o so o se mea ua faia po o ua lē faia po o o le a faia mulimuli ane po o le lē faia e le tagata ua faatagaina e faasino i na galuega tauave; po o
- (c) le faatosina o le tagata faatagaina e faaaogā, po o le faaaogā i se ala lē tatau, o lona tulaga o ia o se tagata faatagaina ina ia mafai ona maua i se ala lē talafeagai se faamanuiaga po o le maua ai mo, po o e faafaigofie ai le faia o se soligatulafono e so o se tagata;
- (d) ua nofosala i se soligatulafono ma e tatau ona noatia i luga o se moliaga ua faamaonia faaetulafono -
 - (i) afai o lē ua solitulafono o se faalapotopotoga ua tuufaatasia faaetulafono, i se sala tupe e lē silia le 500 iunite tau faasalaga; po o
 - (ii) afai o lē ua solitulafono o ia o se tagata moni, i se sala tupe e lē silia le 100 iunite tau faasalaga po o le nofosala i le falepuipui mo se vaitaimi e lē silia le lua (2) tausaga, po o ia faasalaga uma e lua.

82. Amioga a faatonu, tagata ofisa, tagata faigaluega ma sui sooupu-(1) Afai, a o faagasolo tualumaga mo se soligatulafono e faasaga i lenei Tulafono, e talafeagai ona faamautu ai le manatu o se faalapotopotoga ua tuufaatasia faaetulafono e faasino i se amioga faapitoa, ua lava lea e faailoa ai e faapea:

- (a) o le amioga sa faia e se faatonu, tagata ofisa, tagata faigaluega po o se sui sooupu o le faalapotopotoga ua tuufaatasia faaetulafono o lo o aofia ai i le lio o lana pule faataga moni po o lana pule faataga ua manino lelei; ma
- (b) le faatonu, tagata ofisa, tagata faigaluega po o le sui sooupu sa i ai lea manatu.

(2) So o se amioga sa faia i, e avea ai ma sui o se faalapotopotoga ua tuufaatasia faaletulafono, e se faatonu, tagata ofisa, tagata faigaluega po o se sui sooupu o le faalapotopotoga ua tuufaatasia faaletulafono, i totonu o le lio o lana pule faataga moni po o lana pule faataga ua manino lelei, e tatau ona avea, mo faamoemoega o se moliaga mo se soligatulafono e faasaga i lenei Tulafono, sa faapea foi ona faia e le faalapotopotoga ua tuufaatasia faaletulafono, seia vagana ai ua faamautuina e le faalapotopotoga ua tuufaatasia faaletulafono e faapea, sa faia lava e le faalapotopotoga ua tuufaatasia faaletulafono tulaga talafeagai e puipuia ai ma faatino galuega ma le lē faalogologotiga, e alofia ai le amioga.

(3) Afai, a o faagasolo taualumaga mo se soligatulafono e faasaga i lenei Tulafono, e talafeagai le faamautuina o le manatu o se tagata e ese mai i se faalapotopotoga ua tuufaatasia faaletulafono e faasino i se amioga faapitoa, ua lava lea e faailoa ai:

(a) e faapea, o le amioga sa faia e se tagata ofisa, tagata faigaluega po o se sui sooupu a le tagata i totonu o le lio o lana pule faataga moni po o lana pule ua manino lelei; ma

(b) e faapea o le tagata faigaluega po o le sui sooupu sa i ai lea manatu.

(4) So o se amioga sa faia i, e avea ai ma sui o se tagata, e ese mai i se faalapotopotoga ua tuufaatasia faaletulafono, e se tagata ofisa, tagata faigaluega po o se sui sooupu a le tagata i totonu o le lio o lana pule faataga moni po o lana pule faataga ua manino lelei, e tatau ona avea, mo faamoemoega o se moliaga mo se soligatulafono e faasaga i lenei Tulafono, sa faapea foi ona faia e le tagata ua taua muamua, seia vagana ai ua faamautuina e le tagata ua taua muamua e faapea, sa faia lava e le tagata ua taua muamua tulaga talafeagai e puipuia ai ma faatino galuega ma le lē faalogologotiga, e alofia ai le amioga.

(5) Afai:

(a) o se tagata, e ese mai i se faalapotopotoga ua tuufaatasia faaletulafono, ua faamaonia faaletulafono se moliaga i se soligatulafono; ma

(b) le tagata sa lē tatau ona faamaonia faaletulafono se moliaga i se soligatulafono pe afai sa le i faamamaluina faafuaiupu (3) ma le (4), e lē tatau ona noatia le tagata ina ia faasalaina i le nofosala i le falepuipui mo lena soligatulafono.

(6) O se faasinomaga i totonu o faafuaiupu (1) po o le (3) e uiga i le manatu o se tagata, e aofia ai se faasinomaga i:

(a) le atamai, fuafuaga, manatu, talitonuga po o le faamoemoe o le tagata; ma

(b) mafuaaga a le tagata mo le fuafuaga, manatu, talitonuga po o le faamoemoe.

(7) O se faasinomaga i totonu o lena fuaiupu i le auai i le faia o se amioga e aofia ai se faasinomaga i le lē auai i le faia po o le teena o le auai i le faia o se amioga.

Vaevaega 9 - Tulaga tau Tupe

83. Teugatupe i faletupe-(1) E tatau i le kamupani kasino ua laiseneina ona tatala ma tausia teugatupe eseese i faletupe e pei ona faamaonia e le Pulega, i se faletupe po o faletupe i totonu o Samoa mo le faaogāina i gaoioiga tau tupe uma e faatulai mai, e faasino i le faagaoioiga o le kasino po o le maliega o le faagaoioiga o le kasino.

(2) O kamupani kasino taitasi uma ua laiseneina e solia pe ua lē mafai ona tausisia le faafuaiupu (1), ua nofosala i se soligatulafono ma e tatau ona noatia i luga o se moliaga ua faamaonia faaletulafono:

(a) afai o lē ua solitulafono o se faalapotopotoga ua tuufaatasia faaletulafono, i se sala tupe e lē silia le 250 iunite tau faasalaga; po o

(b) afai o lē ua solitulafono o se tagata moni, i se sala tupe e lē silia le 50 iunite tau faasalaga po o le nofosala i le falepuipui mo se vaitaimi e lē silia le 12 masina, po o ia faasalaga uma e lua.

84. Avanoa i faamaumauga o teugatupe i faletupe-(1) E mafai e le Pulega, e ala i se faasilasilaga tusitusia i se faletupe ua taua i totonu o le fuaiupu 83, ona manaomia le faletupe ina ia

tuuina atu i se tagata ofisa, i le aso ma a o faagasolo itula ua faamaotiina i le faasilasilaga, se avanoa i se faamatalaga o se teugatupe ua faasinomia i totonu o lena fuaiupu ma isi lava faamatalaga faapitoa e faasino i le teugatupe e pei ona faamaotiina i totonu o le faasilasilaga.

(2) E mafai e le Pulega, e ala i se faasilasilaga tusitusia i se faletupe ua faasinomia i totonu o le fuaiupu **83**, ona manaomia le faletupe, i totonu o le 30 aso i le tuanai ai ona maua o le faasilasilaga, ina ia tuuina atu i se tagata ofisa ua faamaotiina i totonu o le faasilasilaga, se ata o le faamatalaga o se teugatupe ua taua i totonu o lena fuaiupu.

(3) O itula ua faamaotiina i totonu o se faasilasilaga i se faletupe i lalo o le faafuuiupu (1) e tatau ona faapea o itula masani a o faagasolo pisinisi a le faletupe.

(4) Afai, e tusa ai o le faafuuiupu (1), e mafai e se tagata ofisa ona suesueina se faamatalaga o se teugatupe, e mafai foi e le tagata ofisa ona faia se ata o po o le faia o se ootootoga mai le faamatalaga.

(5) So o se faletupe, e aunoa ma se faatagaga talafeagai, e teena ai po o ua lē mafai ona tausisia o se manaoga ua faia i lalo o le faafuuiupu (1) po o le (2), ua nofosala i se soligatulafono ma e tatau ona noatia i luga o se moliaga ua faamaonia faaletulafono:

- (a) afai o lē ua solitulafono o se faalapotopotoga ua tuufaatasia faaletulafono, i se sala tupe e lē silia le 250 iunite tau faasalaga; po o
- (b) afai o lē ua solitulafono o se tagata moni, i se sala tupe e lē silia le 50 iunite tau faasalaga po o le nofosala i le falepuipui mo se vaitaimi e lē silia le 12 masina, po o ia faasalaga uma e lua.

85. Faamatalaga tau tupe ma faamaumauga - E tatau i le kamupani kasino ua laiseneina ona:

- (a) poloiina ina ia tausia i totonu o Samoa, e tusa ai o gaioioiga tau tupe ma mataupu a le kamupani kasino ua laiseneina, e faasino i le faagaioioiga o le kasino, faamatalaga tau tupe e tatau ai ma faamaumauga e tusa ai ma taiala aloaia faatausi

tusi o lo o faaaogāina faalauaitetele i faiga masani faapisinisi; ma

(b) ia faia mea uma e talafeagai ina ia faamautinoa ai e faapea, e tusa ai o le faagaoioiga o le kasino -

(i) o tupe totogi mai tupe a le kamupani kasino ua laiseneina ia sao lelei ona faia ma ia faatagaina lelei;

(ii) ia tausisia le pulea lelei o le faatupulaia o aitalafu e le kamupani kasino ua laiseneina; ma

(iii) ia tausisia atoatoa le puipuiga o meatotino a, po o i le vaavaaiga a le kamupani kasino ua laiseneina.

86. Faamatalaga o faamaumauga tau tupe-(1) E tatau i le kamupani kasino ua laiseneina, i se taimi vave e mafai ona faatino ai, ae lē silia na i lo le 90 aso i le tuanai ai o tausaga faaletupe taitasi, ona faatoai atu i le Pulega, faamatalaga o tupe maua ma tupe alu ma teugatupe i pepa faatumu ua faatonuina, e aofia ai:

(a) faamatalaga tau tupe o fefaatauaiga, pe afai o mafai ona faaaogāina i ai, mo le tausaga faaletupe;

(b) faamatalaga tau tupe o tupe mama ma tupe pau mo le tausaga faaletupe; ma

(c) le pepa o paleni e pei ona i ai i le faaiuga o le tausaga faaletupe,

ina ia maua ai se ata sao ma talafeagai o gaoioiga tau tupe a le kamupani kasino ua laiseneina, e faasino i le faagaoioiga o le kasino.

(2) O kamupani kasino taitasi uma ua laiseneina, ia ua solia po o ua lē mafai ona tausisia le faafuaiupu (1), ua nofosala i se soligatulafono ma e tatau ona noatia i luga o se moliaga ua faamaonia faaletulafono:

(a) afai o lē ua solitulafono o se faalapotopotoga ua tuufaatasia faaletulafono, i se sala tupe e lē silia le 125 iunite tau faasalaga; po o

- (b) afai o lē ua solitulafono, o se tagata moni, i se sala tupe e lē silia le 25 iunite tau faasalaga po o le nofosala i le falepuipui mo se vaitaimi e lē silia le ono (6) masina po o ia faasalaga uma e lua.

87. Sueina faasuetusi-(1) E tatau i le kamupani kasino ua laiseneina, i se taimi vave e ono mafai ona faatino ai, i le tuanai ai o le faaiuga o tausaga faaletupe taitasi uma, ona faia ina ia sueina faasuetusi, tusi, faamatalaga tau tupe ma faamatalaga o tupe maua ma tupe alu a le kamupani kasino ua laiseneina e faasino i le kasino e se tagata ua faamaonia e le Pulega.

(2) E tatau i le kamupani kasino ua laiseneina ona poloaia le faia o se lipoti a se suetusi i lalo o le faafuaiupu (1) ina ia faaoo atu i le Pulega, i se taimi vave e ono mafai ona faatino ai, i le tuanai ai o le faaiuga o le tausaga faaletupe lea e faasino i ai le lipoti.

(3) O kamupani kasino taitasi uma ua laiseneina e solia po o ua lē mafai ona tausisia le faafuaiupu (1) ua nofosala i se soligatulafono ma e tatau ona noatia i luga o se moliaga ua faamaonia faaletulafono:

- (a) afai o lē ua solitulafono o se faalapotopotoga ua tuufaatasia faaletulafono, i se sala tupe e lē silia le 125 iunite tau faasalaga; po o
- (b) afai o lē ua solitulafono o se tagata moni, i se sala tupe e lē silia le 25 iunite tau faasalaga po o le nofosala i le falepuipui mo se vaitaimi e lē silia le ono (6) masina po o ia faasalaga uma e lua.

88. Taofiga o faamaumauga-(1) E tatau i le kamupani kasino ua laiseneina ona tausia i totonu o le kasino, faamaumauga uma e faasino i gaoioiga faapisinisi e i lalo ifo o le fitu (7) tausaga le umi ona taofia, lea e faasino i le feagaiga o le faagaoioiga o kasino po o le faagaoioiga o le kasino.

(2) O kamupani kasino taitasi uma ua laiseneina e solia pe ua lē mafai ona tausisia le faafuaiupu (1) ua nofosala i se soligatulafono ma e tatau ona noatia i luga o se moliaga ua faamaonia faaletulafono:

- (a) afai o lē ua solitulafono o se faalapotopotoga ua tuufaatasia faaetulafono, i se sala tupe e lē silia le 250 iunite tau faasalaga; po o
- (b) afai o lē ua solitulafono o se tagata moni, i se sala tupe e lē silia le 50 iunite tau faasalaga.

Vaevaega 10 - Aiaiga Eseese

89. Tulafono Faatonutonu-(1) E mafai e Le Ao o le Malo, i le faia i luga o le fautuaga a le Kapeneta, ona faia tulafono faatonutonu, e ogatasi ma lenei Tulafono, e faatonuina ai mataupu:

- (a) o manaomia po o ua faatagaina e lenei Tulafono ina ia faatonuina; po o
 - (b) e talafeagai po o ua alagatatau ona faatonuina mo le tauaveina po o le tuuina atu o le faamamaluga o lenei Tulafono.
- (2) E aunoa ma le faatapulaaina o le tulaga lautele o le faafuaiupu (1), e mafai e tulafono faatonutonu ona:
- (a) faia aiaiga e faasino i le puleaina o le kasino po o le faagaioiga o le kasino;
 - (b) faia aiaiga e faasino i le tulaga aupito sili ona lelei, ituaiga po o faailoga e iloagofie ai meataalo tau taaloga e faaaogā i totonu o le kasino;
 - (c) faia aiaiga e faasino i le tausiga po o le faaaogāina o meataalo tau taaloga i totonu o le kasino;
 - (d) faia aiaiga e faasino i le puleaina o oloa o tupe meataalo;
 - (e) faatonuina o tulaga faataatitia po o taualumaga mo le suesueina, toe faaleleia po o le faaleleia atoa o meataalo tau taaloga;
 - (f) faia aiaiga e faasino i le tagofiaina o tupe meataalo e tagata faigaluega a le kasino po o le faaaogāina o tupe meataalo e tagata e lagolagoina kasino;
 - (g) faia aiaiga e faasino i le felauaiga o meataalo tau taaloga po o tupe meataalo i po o mai le kasino;
 - (h) faia aiaiga e faasino i tuutuuga mo le ulufale ma le i ai i totonu o le kasino;

- (i) faia aiaiga e faasino i le faatulagaga o puipuigamalu e faaaogā e faasino i le kasino;
- (j) faatonuina, mo faamoemoega o le puipuigamalu ma le faagasologa lelei o taaloga, manaoga mo le faatulagaina o le kasino e faasino i -
 - (i) le faatulagaina o laulau taalo, meataalo tau taaloga, potu e faitauina ai, pusa ma isi mea e faaaogā ua saunia mo gaoioiga i totonu o le kasino;
 - (ii) le faiga o le faapipiina o so o se faatulagaga o laina televise ua tapunia, o le tulaga ma le vaega o aofia ai i masini pueata e fesootai ma le faatulagaga ma le maualuga o masini pueata i luga ae o gaoioiga tau taaloga i totonu o le kasino;
 - (iii) le tulaga ma le ituaiga o so o se faatulagaga e mataituina ai mo le faaaogāina i fesootaiga ma le mataituina i le vaaiga tuusao o gaoioiga a le kasino;
 - (iv) o nofoaga ma fale tau fesootaiga ua saunia mo tagata o lo o vaaia gaoioiga i totonu o le kasino, po o e ala i se faatulagaga o laina televise ua tapunia, o se faatulagaga e mataituina ai po o e ala i so o se isi lava auala; ma
 - (v) le ofisa ma nofoaga ma fale e fesootai i ai o le a saunia mo tagata asiasi;
- (k) faatonuina o taualumaga mo le totogiina atu o peti mālō;
- (l) faatonuina o taualumaga mo le vaaiga ma le pulea o le faitauina o tupe;
- (m) faamaoti le aofaiga, po o le faatonuina o taualumaga mo le faamaotiina o le aofaiga, o so o se peti o le a faia e fesootai ma le faatinoina o se taaloga ua faatagaina;
- (n) faatonuina o taualumaga mo le toe faaleleia o feeseeseaiga e faatulai mai i le faafuoga o taaloga i totonu o le kasino;

- (o) faatonuina o faamatalaga tau tupe po o isi faamaumauga ina ia tausia e le kamupani kasino ua laiseneina;
- (p) faatonuina o manaoga ina ia usitaia e le kamupani kasino ua laiseneina e faasino i le lomia faasalalau o faamatalaga e faatatau i le kasino ma ana galuega.
- (q) faia aiaiga e faasino i faasilasilaga o le a faalauiloa i totonu o le kasino e le kamupani kasino ua laiseneina;
- (r) faia aiaiga e faasino i le faafoga o polokalame faatosina;
- (s) faatonuina ai taiala faataatitia mo le faamatuuina atu o se laisene kasino po o se laisene o se tagata faigaluega i le kasino, e aofia ai mataupu e faasino i le faafoeina -
 - (i) o so o se faalapotopotoga ua aafia i lenei Tulafono;
 - (ii) o tagata iloga e umia sea o, po o tagata mai fafo o auai i sea faalapotopotoga;
 - (iii) o tagata o i latou ia o sui fesootai a lea faalapotopotoga;
- (t) faatonuina o tuutuuga o le a mafai ona faaaogā i se laisene kasino;
- (u) manaomia ai e faapea o so o se mataupu e aafia i tulafono faatonutonu ia noatia ma fai fuafua i le faamaoniga, po o le tulaga faamalieina o se faalapotopotoga ua faamaotiina, po o se tagata o umia po o nofoia se ofisa faapitoa, ina ia faatagaina ai sea faalapotopotoga po o se tagata e faatinoina se pule faitalia;
- (v) faatonuina ai totogifuapauina mo faamoemoega o lenei Tulafono;
- (w) faatonuina ai soligatulafono e faasaga i tulafono faatonutonu, faasalaga e lē silia -
 - (i) afai o lē ua solitulafono o se faalapotopotoga ua tuufaatasia faaetulafono, i le sala tupe e 50 iunite tau faasalaga; po o

(ii) afai o lē ua solitulafono o se tagata moni, i le sala tupe e 10 iunite tau faasalaga.

90. Teuteuga Faatupulaia - I totonu o le fuaiupu 2(1) o le Tulafono o Taaloga 1978, mo le faamatalaina o le upu “Taaloga” ia suia:

““Taaloga” o lona uiga o le taalo ia maua tupe po o nisi lava mea aogā i so o se taaloga o matematega po o so o se taaloga e fefiloi ai le laki ma le poto masani, e le i faatagaina i lalo o aiaiga o le Tulafono o le Faafoga o Kasino ma Taaloga Eseese Tau Tupe 2010 po o lenei tulafono, e aofia ai taaloga faa-Saina o le fan-tan, pakapoo ma isi lava taaloga faapena.”.

91. Teuteuga i le Tulafono o Lafoga o Oloa ma Galuega Faatino e faia i Luga o Aofaiga o Tau 1992/1993 - Ua teuteuina le fuaiupu 12 o le Tulafono o Lafoga o Oloa ma Galuega Faatino e faia i Luga o Aofaiga o Tau 1992/1993 i le:

(a) i totonu o le faafuaiupu (1), i le tuanai ai o le parakalafa (k), ia faaofi:

“(l) O oloa ma meafaigaluega e tuuina atu i le Pulega e Faafoeina Taaloga Eseese Tau Tupe ua faavaeina i lalo o le Tulafono o le Faafoga o Kasino ma Taaloga Eseese Tau Tupe 2010.”;

(b) i totonu o le faafuaiupu (6), i le tuanai ai o le parakalafa (p), ia faaofi:

“(q) O auaunaga o le laiseneina o kasino ma le aumaia ina ia faamauina o tupe faasili ua faaee atu e le Pulega e Faafoeina Taaloga Eseese Tau Tupe i lalo o le Tulafono o le Faafoga o Kasino ma Taaloga Eseese Tau Tupe 2010.”.

O le Tulafono o le Faafoga o Kasino ma Taaloga Eseese Tau Tupe 2010 o lo o faafoeina e le Matagaluega a le Palemia.

**Lolomiina e le Failautusi o le Fono Aoao Faitulafono,
i le pule a le Fono Aoao Faitulafono.**